

史

記

一
一



歷書第四

史記二十六

昔自在古歷建正作於孟春

索隱曰案古歷者謂黃帝調歷以前有上

元太初歷等皆以建寅爲正謂之孟春也及顓頊夏禹亦以建寅爲正唯黃帝及殷周魯並建子爲正而秦正建亥漢初因之至武帝元封七年始改用太初歷仍以周正建子爲十一月朔旦冬至改元太初歷焉今案此文至於十二月節皆出大戴禮

於時冰泮發蟄百草奮興秭

鳩先渚

徐廣曰秭音姊鳩音規子鳩鳥也一名鷦鷯。索隱曰秭鳩先渚謂子鳩鳥春氣發動則先出

野澤而鳴也又案大戴禮作瑞雉無釋未測其言當是字體各有訛變耳鷽音弟鷽音桂楚詞云慮鷽鷽之先鳴使夫百草爲之不芳解

物迺歲具生於東次順四時

卒于冬分時

索隱曰卒音子律反分如字卒盡也言建歷起孟春盡季冬則一歲之事具也冬盡

之後分爲來春故云冬分也

雞三號卒明

徐廣曰卒一作平又云卒斯也。索隱曰三號

三鳴也言夜至雞三鳴則天曉乃始爲正月一日言異歲也徐廣云卒一作平又作斯於文皆便撫十

二節卒于丑

正義曰撫猶循也自平明寅至雞鳴丑凡十二辰辰盡丑又至明朝寅使一日一夜

故曰

日月成故明也明者孟也幽者幼也幽明

者雌雄也雌雄代興而順至正之統也日歸于

西起明於東月歸於東起明于西正不率天又

不由人

索隱曰此文出大戴禮是孔子稱周太史之詞

則凡事易壞而難

成矣王者易姓受命必慎始初改正朔易服色

推本天元順承厥意

索隱曰言王者易姓而興必當推本天之元氣行運所在以定

正朔以承天意故云承順厥意也

太史公曰神農以前尚矣堯黃帝考定星歷

索隱

曰系本及律歷志黃帝使羲和占日常儀占月史區占星
氣伶倫造律呂大撓作甲子隸首作筭數容成綜此六術
而著調歷也

建立五行起消息

正義曰皇侃云乾者陽生
為息坤者陰死為消也

正閏餘

漢書音義曰以歲之餘為閏故曰閏餘。正義
曰鄧平落下閏云一月之日二十九日八十一

分日之四十八按計其餘分成閏故云正閏餘也每一歲
三百六十六日餘六日小月六月是一歲餘十二日大計

三十三月則
一閏之耳

於是有天地神祇物類之官

正義曰
應劭云

黃帝受命有雲瑞故以雲紀官春官為青雲夏官為緇雲
秋官為白雲冬官為黑雲中官為黃雲按黃帝置五官各
以物類名其職掌也

是謂五官各司其序不相亂也民是

以能有信神是以能有明德民神異業敬而不

瀆故神降之嘉生

應劭曰
嘉穀也

民以物享

正義曰劉伯
莊云物事也

人皆順事
而享福也

灾禍不生所求不墮少皞氏之衰也九

黎亂德

漢書音義曰少皞時諸侯作亂者

民神雜擾不可放物

索隱

曰枚音

禍菑荐至莫盡其氣

索隱曰荐音在見反荐集也字或作薦古字假

借

用顓頊受之乃命南正重司天以屬神命火

正黎司地以屬民

應劭曰黎陰官也火數二二地數也故火正司地以屬萬民。索隱

曰案左傳重爲勾芒木正黎爲祝融火正此言南者劉氏以爲南字誤非也蓋重黎二人元是木火之官兼司天地職而天是陽南是陽位故木亦是陽所以木正爲南正也而火是地正亦稱北正者火數二二地數地陰主北方故火正亦稱北正爲此故也臣贊以爲古文火字似北未爲深得也

使復舊常無相侵

瀆其後三苗服九黎之德

正義曰孔安國云三苗緡雲氏之後諸侯也按服從

也言九黎之君在少皞之世作亂今三苗之君從九黎亂德故南北二官皆廢使曆數失序

故二官

咸廢所職而閏餘乖次孟陬殄滅攝提無紀曆

歷書

數失序

漢書音義曰次十二次也史推歷失閏則斗建與月名錯正月為孟陬閏餘乘錯不與正歲相

值謂之殄滅攝提星名隨斗杓所指建十二月若歷誤春三月當指辰而指已是謂失序。索隱曰案正月為陬陬音鄒又作侯反楚詞云攝提貞乎孟陬言歷數乘誤乃使孟陬殄滅不得其正也天官書云攝提三星若鼎足句直斗杓所指以建時節故為攝提格堯復遂重黎之後格至也言攝隨月建至故云格也

不忘舊者使復興之而立羲和之官明時正度

則陰陽調風雨節茂氣至民無夭疫年耆禪舜

由戒文祖云

徐廣曰戒一作敕。正義曰言於文祖之廟以申戒舜也

天之曆數

在爾躬

何晏曰曆數謂列次也

舜亦以命禹

孔安國曰舜亦以堯命己之辭命禹

也。由是觀之王者所重也夏正以正月殷正以

十二月周正以十一月蓋三王之正若循環窮

則反本天下有道則不失紀序無道則正朔不

行於諸侯幽厲之後周室微陪臣執政史不記

時君不告朔鄭玄曰禮人君每月告朔於廟有祭謂之朝享故疇人子弟

分散如淳曰家業世世相傳為疇律年二十三傳之疇官各從其父學。索隱曰韋昭云疇類也孟康云

同類之人明歷者也樂彥云疇昔知星人也或在諸夏或在夷狄是以

其機祥廢而不統如淳曰呂氏春秋荆人鬼而越人機今之巫祝禱祠淫祀之比也晉

灼曰機音珠幾之機周襄王二十六年閏三月而春秋非之

先王之正時也履端於始韋昭曰謂正歷必先無端始也若十一月朔旦

冬至也舉正於中韋昭曰氣在望中則時日昏明皆正也歸邪音餘於終

韋昭曰餘餘分也終閏月也中氣在晦則後月閏在望是其正中也履端於始序則不

愆舉正於中民則不惑歸邪

音餘

於終事則不悖

其後戰國並爭在於疆國禽敵救急解紛而已

豈遑念斯哉是時獨有鄒衍明於五德之傳

正義

曰傳音竹戀反五德五行也

而散消息之分以顯諸侯而亦因

秦滅六國兵戎極煩又升至尊之日淺未暇遑

也而亦頗推五勝

漢書音義曰五行相勝秦以周爲火用水勝之也

而自

以爲獲水德之瑞更名河曰德水而正

正義曰音征以秦始

皇名諱之故改也

以十月色上黑然歷度閏餘未能睹其

真也漢興高祖曰北時待我而起亦自以爲獲

水德之瑞雖明習歷艾張蒼等咸以爲然是時

天下初定方綱紀大基高后女主皆未遑故襲
秦正朔服色至孝文時魯人公孫臣以終始五
德上書言漢德土德宜更元改正朔易服色當
有瑞瑞黃龍見事下丞相張蒼張蒼亦學律歷
以爲非是罷之其後黃龍見成紀張蒼自黜所
欲論著不成而新垣平以望氣見頗言正歷服
色事實幸後作亂故孝文帝廢不復問至今上

即位招致方士唐都分其天部

漢書音義曰謂分
部二十八宿爲距

度而巴落下閔運筭轉歷

徐廣曰陳術云徵士巴郡
落下閔也。索隱曰姚氏

案益部耆舊傳云閔字長公明曉天文隱於落下武帝徵
待詔太史於地中轉渾天改顓頊歷作太初歷拜侍中不

也受然後日辰之度與夏正同乃改元更官號封

泰山因詔御史曰乃者有司言星度之未定也

廣延宣問以理星度未能詹也徐廣曰詹一作售也。索隱曰漢書

作讎讎即售也故徐廣作售韋昭云讎比較也鄭德云相應為讎也蓋聞昔者黃帝合

而不死名察度驗定清濁起五部建氣物分數

應劭曰言黃帝造歷得仙名節會察寒暑致啓閉分至定清濁起五部五部金木水火土也建氣物分數皆敘歷之

意也孟康曰合作也黃帝作歷歷終復始無窮已故曰不死清濁律聲之清濁也五部五行也天有四時為五行也

氣二十四氣物萬物也分歷數之分也瓚曰黃帝聖德與虛合契升龍登仙於天故曰合而不死題名宿度候察進

退謂三辰之度吉凶之驗也。索隱曰臣瓚解為得案漢書作名察發敘章昭云發散擎敘也又續漢書以為道義

之發敘景人之長短則發敘是日行道去極盈縮者也然蓋尚矣書缺樂弛朕

甚閔焉朕唯未能循明也紬續日分

索隱曰紬音宙又如字紬

續者女工紬緝之意以言造歷筭運者猶若女工緝而織之也

率應水德之勝

徐廣曰蓋

以為應土德土勝水

今日順夏至

索隱曰謂夏至冬至也

黃鐘為宮林

鐘為徵太簇為商南呂為羽姑洗為角自是以

後氣復正羽聲復清名復正變以至於子日當冬

至則陰陽離合之道行焉十一月甲子朔旦冬

至已詹其更以七年為太初元年

索隱曰改元封七年為太初元

年然漢始以建亥為年首今改以建子故以七年為元年韋昭云漢興至此百二歲案律歷志云乃以前歷上元太

初四年千六百一十七歲至元封七年復得闕逢攝提之歲中冬十一月甲子朔旦冬至也

年名焉

逢攝提格

徐廣曰歲陰在寅左行歲星在丑右行。索隱曰爾雅云歲在甲曰焉逢寅曰攝提

格則此甲寅之年十一月甲子朔旦夜半冬至也此篇末亦云寅名攝提則是甲寅不疑也又據二年名單閼三年名執徐等年次分明而漢志以爲其年在丙子當是班固用三統與太初歷不同故與太史公說有異而爾雅近代之作所記年名又皆不同也蘇林云左行右行歲與星行所在之次

月名畢聚日得甲

子夜半朔旦冬至

文顯曰律居陰而治陽歷居陽而治陰更相治間不容期忽五家文悖異

推太初之元也。索隱曰聚音嫫案僖公云天元之始於十一月甲子夜半朔旦冬至日月若連珠俱起牽牛之初歲雄在閼逢雌在攝提格月雄在畢雌在訾訾則嫫訾之宿日雄在甲雌在子是陽氣支干之首也

歷術甲子篇

索隱曰以十一月朔旦冬至得甲子甲子

首非謂此年歲在甲子也

太初元年歲名焉逢

索隱曰甲歲雄也漢書作閼逢亦音焉與此音同

攝

提格

索隱曰寅歲陰也此依爾雅甲寅之歲若據漢志以爲丙子之年也

月名畢聚

索隱

曰謂月值畢及厥訾也

日得甲子

索隱曰謂十一月冬至朔旦得甲子也

畢月雄也聚月雌也
正義曰置大餘五十四筭每年加五十四日滿六十日除之奇筭留之每至閏後一年加二十三筭亦滿六十日除之奇筭留之若纔足六十日明年云無大餘無小餘也又明年以置五十四筭如上法置小餘三百四十八筭每年加三百八分滿九百三十八分成一曰歸上餘筭留之若至閏後一年加八百四十七分亦滿九百四十八分成日歸大餘奇留之明年以加三百四十八筭如上法也
夜半朔旦冬至
索隱曰以故以夜半為朔其至與朔同日故云夜半朔旦冬至若建寅為正者則以平旦為朔。正義曰置大餘五筭加五日滿六十日則除之後年更置五筭如上法置小餘八筭每年加八筭滿三十二分為一百歸大餘後年更置八分如上法大餘者日也小
正北
索隱曰謂節首十一月甲子朔餘者日之奇分也旦時加子為冬至故云正北也
然每歲行周天全度外餘有四分之一以十二辰分之冬至常居四仲故子年在子丑年在卯寅年在午辰年在酉至後十九年章首在酉故云正西其正南正東並准此。正義曰黃鐘管子時氣應稱正北順行四時仲所至為正月

一日是歲之始盡一章十九年黃鐘管應在酉則稱正西他皆效此

無大餘

無小餘

索隱曰其歲甲子朔旦日月合於牽牛之初餘分皆盡故無大小餘

正義曰無大小餘者以出閏月之歲有三百五十四日三百四十八分除五甲三百日餘有五十四日三百四十八分緣未滿六十日故置爲來年大小餘亦爲太初元年日得甲子朔旦冬至前年無奇日分故無大小餘也

無大餘

無小餘

索隱曰上大小餘朔之大小餘此謂冬至大小餘冬至亦與朔同日

並無餘分至與朔法異故重列之

焉逢攝提格太初元年

索隱曰漢志太初元年歲在丙子據此則甲寅歲爾

雅釋天云歲陽者甲乙丙丁戊己庚辛壬癸十干是也歲陰者子丑寅卯辰巳午未申酉戌亥十二支是也歲陽在甲云焉逢謂歲干也歲陰在寅云攝提格謂歲支也。正義曰焉音於乾反後同

十二

大餘五十四

索隱曰歲十二月六六六小合三百五十四日以六除之五六三

除三百日餘五十四日故下云大餘者日也。正義曰月朔旦甲子日法也。

小餘三百四十八

索隱曰太初歷法一月之日二十九日四十分日之

四百九十九每兩月合成五十九日又餘五十八今十二月合餘六箇五十八得此三百四十八數故云小餘者月也。正義曰未滿日之分數也其分每滿九百四十則成一曰即歸上成五十日矣大餘五十四日每歲除小月六日則成三百五十四日除五甲三百日猶除五十四日為未滿六十日故稱大餘五十四小餘三百四十八者其大數五十四之外更除分三百四十八故稱小餘三百四十八也此大小餘是月朔甲子日朔以出閏月之數一歲則有三百五十四日三百四十八分每六十日之餘為未滿六十日故有大小餘也是太初元年奇日奇分也

大餘五

索隱曰周天三百六十五度四分度之一日行一度去歲十一月朔在牽牛初

為冬至今歲十一月十二日又至牛初為一周以六甲除之六六三十六除三百六十餘五故云大

餘五也。正義曰：冬下甲子日法也。

小餘八

索隱曰：即四分之一。小餘滿三十二從大餘一四八三十二故云小餘八。明年

又加八得十六故下云小餘十六。次明年又加八得二十四故下云小餘二十四。又明年加八得三十二爲滿故下云無小餘。並可依太初歷法行之也。正義曰：未滿日之分數也。其分每滿三十二則成一。日即歸上成六日矣。大餘五者每歲三百六十五日除六甲三百六十日猶餘五日故稱大餘五日也。小餘八者每歲三百六十五日四分日之一則一日三十二分是一歲三百六十五日八分故稱小餘。是冬至甲子日法未出閏月之數每六十日除之爲未滿六十日故有大小餘也。此是太初元年奇日奇分也。

端蒙單閏二年

徐廣曰：單閏一作置安。索隱曰：端蒙乙也。爾雅作旃蒙單閏卯也。丹遏

二音又音蟬焉歲在乙卯也。正義曰：單音丹又音特連反。閏音烏葛反又於連反。

閏十三

大餘四十八

小餘六百九十六

大餘十

小餘十六

游北執徐三年

索隱曰游北景也爾雅作柔北執徐長也。正義曰三年丙辰歲也

十二

大餘十二

小餘六百三

大餘十五

小餘二十四

彊梧大荒落四年

索隱曰彊梧丁也大荒落巳也正義曰梧音語四年丁巳歲也

十二

大餘七

小餘十一

大餘二十一

無小餘

徒維𦍋𦍋天漢元年

索隱曰徒維戊也𦍋𦍋午也。正義曰𦍋音作郎反天漢元年

戊午歲

閏十三

大餘一

小餘三百五十九

大餘二十六

小餘八

祝犁協洽二年

索隱曰祝犁己也爾雅作著雍協洽未也。正義曰二年己未歲也。

十二

大餘二十五

小餘二百六十六

大餘三十一

小餘十六

商橫涖灘三年

索隱曰商橫庚也爾雅作上章涖灘申也本作赤奮若非也天官書及爾

雅申爲涖灘丑爲赤奮若今自太初己來計歲次與天官書不同者有四蓋後之歷術改也。正義曰涖音吐魂反灘音吐丹反又作涖漢字音與上同三年庚申歲也。

十二

大餘十九

小餘六百一十四

大餘三十六

小餘二十四

昭陽作噩四年

索隱曰昭陽辛也爾雅作重光作噩酉也。正義曰四年辛酉歲也。

閏十三

大餘十四

小餘二十二

大餘四十二

無小餘

橫艾淹茂太始元年

索隱曰橫艾壬也爾雅作玄默淹茂戌也。正義曰元年壬戌

也歲

十二

大餘三十七

小餘八百六十九

大餘四十七

小餘八

尚章大淵獻二年

索隱曰尚章癸也爾雅作昭陽大淵獻亥也。一本作困躬非也天官

書子爲困躬與爾雅同正義曰二年癸亥歲也

閏十三

大餘三十二

小餘二百七十七

大餘五十二

小餘一十六

焉逢困敦三年

索隱曰焉逢甲也困敦子也一本作大淵獻非也天官書云亥為大淵獻

與爾雅同。正義曰敦音頓三年甲子歲也

十二

大餘五十六

小餘二百八十四

大餘五十七

小餘二十四

端蒙赤奮若四年

索隱曰端蒙乙也赤奮若丑也一本作泥離非也天官書申為泥離

與爾雅同四年已後自太始征和已下說篇末其年次甲乙皆准此並褚先生所續也。正義曰四年乙丑歲也

十二

大餘五十

小餘五百三十二

大餘三

無小餘

正義曰准前解小餘是日之餘分也

自右曆書已下小餘又非是年名復不周備恐褚先生及後人所加

游兆

徐廣曰作游挑

攝提格征和元年

正義曰李巡註云爾雅云萬物承陽而起

故曰攝提格起也孔文祥云以歲在寅正月出東方爲衆星之紀以攝提宿故曰攝提以其爲歲月之首起於孟陬故云格

正也

閏十三

大餘四十四

小餘八百八十

大餘八

小餘八

彊梧單閼三年

正義曰李巡註云言陽氣推萬物而起故曰單閼單盡閼止也

十二

大餘八

小餘七百八十七

大餘十三

小餘十六

徒維執徐三年

正義曰李巡云伏蟄之物皆敷舒而出故云執徐也

十二

大餘三

小餘二百九十五

大餘十八

小餘二十四

祝犁大芒落四年

芒一作荒。正義曰：姚察云：言萬物皆熾盛而大出霍然落之故云。

荒落也。

閏十三

大餘五十七

小餘五百四十三

大餘二十四

無小餘

商橫敦牂後元元年

正義曰：爾雅云：敦盛也。牂壯也。言萬物盛壯也。

十二

大餘二十一

小餘四百五十

大餘二十九

小餘八

昭陽汁洽二年

汁一作協。正義曰：李巡云：言陰陽化生萬物和合故曰協洽也。

閏十三

大餘十五

小餘七百九十八

大餘三十四

小餘十六

橫艾渚灘始元元年正西

渚灘一作芮漢。正義曰孫炎註云爾雅云渚灘萬

物吐秀傾垂之貌也

十二

大餘三十九

小餘七百五

大餘三十九

小餘二十四

尚章作噩二年

噩一作鄂。正義曰李巡云作鄂萬物皆落枝起之貌也

十二

大餘三十四

小餘一百一十三

大餘四十五

無小餘

焉逢淹茂三年

淹一作閭。正義曰李巡云言萬物皆蔽冒故曰閭茂蔽冒也

閏十三

大餘二十八

小餘四百六十一

大餘五十

小餘八

端蒙困窮四年

正義曰孫炎云困窮混沌也言萬物萌混沌於黃泉之下也

十二

大餘五十二

小餘三百六十八

大餘五十五

小餘十六

游兆困窮五年

十二

大餘四十六

小餘七百一十六

無大餘

小餘二十四

彊梧赤奮若六年

正義曰李巡云陽氣奮迅萬物而起無不若其性故曰赤奮若

陽色奮迅也若順也

閏十三

大餘四十一

小餘一百二十四

大餘六

無小餘

徒維攝提格元鳳元年

十二

大餘五

小餘三十一

大餘十一

小餘八

祝犁單閼二年

十二

大餘五十九

小餘三百七十九

大餘十六

小餘十六

商橫執徐三年

閏十三

大餘五十三

小餘七百二十七

大餘二十一

小餘二十四

昭陽大荒落四年

十二

大餘十七

小餘六百三十四

大餘二十七

無小餘

橫艾朞牂五年

閏十三

大餘十二

小餘四十二

大餘三十二

小餘八

尚章汁洽六年

十二

大餘三十五

小餘八百八十九

大餘三十七

小餘十六

焉逢涒灘元平元年

十二

大餘三十

小餘二百九十七

大餘四十二

小餘二十四

端蒙作噩本始元年

閏十三

大餘二十四

小餘六百四十五

大餘四十八

無小餘

游北闔茂二年

十二

大餘四十八

小餘五百五十二

大餘五十三

小餘八

彊梧大淵獻三年

正義曰孫炎云淵獻深也獻萬物於天深於藏蓋也

十二

大餘四十二

小餘九百

大餘五十八

小餘十六

徒維困窮四年

閏十三

大餘三十七

小餘三百八

大餘三

小餘二十四

祝犁赤奮若地節元年

十二

大餘一

小餘二百一十五

大餘九

無小餘

商橫攝提格二年

閏十三

大餘五十五

小餘五百六十三

大餘十四

小餘八

昭陽單闕三年正南

十二

大餘十九

小餘四百七十

大餘十九

小餘十六

橫艾執徐四年

十二

大餘十三

小餘八百一十八

大餘二十四

小餘二十四

尚章大荒落元康元年

閏十三

大餘八

小餘二百二十六

大餘三十

無小餘

焉逢敦牂二年

十二

大餘三十二

小餘一百三十三

大餘三十五

小餘八

端蒙協洽三年

十二

大餘二十六

小餘四百八十一

大餘四十

小餘十六

游北渚灘四年

閏十三

大餘二十

小餘八百二十九

大餘四十五

小餘二十四

彊梧作噩神雀元年

十二

大餘四十四

小餘七百三十六

大餘五十一

無小餘

徒維淹茂二年

十二

大餘三十九

小餘一百四十四

大餘五十六

小餘八

祝犁大淵獻三年

閏十三

大餘三十三

小餘四百九十二

大餘一

小餘十六

商橫困窮四年

十二

大餘五十七

小餘三百九十九

大餘六

小餘二十四

昭陽赤奮若五鳳元年

閏十三

大餘五十一

小餘七百四十七

大餘十二

無小餘

橫艾攝提格二年

十二

大餘十五

小餘六百五十四

大餘十七

小餘八

尚章單閼三年

十二

大餘十

小餘六十二

大餘二十二

小餘十六

焉逢執徐四年

閏十三

大餘四

小餘四百一十

大餘二十七

小餘二十四

端蒙大荒落甘露元年

十二

大餘二十八

小餘三百一十七

大餘三十三

無小餘

游兆乾牂二年

十二

大餘二十二

小餘六百六十五

大餘三十八

小餘八

彊梧協洽三年

閏十三

大餘十七

小餘七十三

大餘四十三

小餘十六

徒維渚灘四年

十二

大餘四十

小餘九百二十

大餘四十八

小餘二十四

祝犁作噩黃龍元年

閏十三

大餘三十五

小餘三百二十八

大餘五十四

無小餘

商橫淹茂初元元年正東

十二

大餘五十九

小餘二百三十五

大餘五十九

小餘八

昭陽大淵獻二年

十二

大餘五十三

小餘五百八十三

大餘四

小餘十六

橫艾困躬二年

閏十三

大餘四十七

小餘九百三十一

大餘九

小餘二十四

尚章赤奮若四年

十二

大餘十一

小餘八百三十八

大餘十五

無小餘

焉逢攝提格五年

十二

大餘六

小餘二百四十六

大餘二十

小餘八

端蒙單閼永光元年

閏十三

無大餘

小餘五百九十四

大餘二十五

小餘十六

游兆執徐二年

十二

大餘二十四

小餘五百一

大餘三十

小餘二十四

彊梧大荒落三年

十二

大餘十八

小餘八百四十九

大餘三十六

無小餘

徒維敦牂四年

閏十三

大餘十三

小餘二百五十七

大餘四十一

小餘八

祝犁協洽五年

十二

大餘三十七

小餘一百六十四

大餘三十六

小餘十六

商橫涒灘建昭元年

閏十三

大餘三十一

小餘五百一十二

大餘五十一

小餘二十四

昭陽作噩二年

十二

大餘五十五

小餘四百一十九

大餘五十七

無小餘

橫艾闌茂三年

十二

大餘四十九

小餘七百六十七

大餘二

小餘八

尚章大淵獻四年

閏十三

大餘四十四

小餘二百七十五

大餘七

小餘十六

焉逢困敦五年

十二

大餘八

小餘八十二

大餘十二

小餘二十四

端蒙赤奮若竟寧元年

十二

大餘二

小餘四百三十

大餘十八

無小餘

游兆攝提格建始元年

閏十三

大餘五十六

小餘七百七十八

大餘二十三

小餘八

彊梧單閼二年

十二

大餘二十

小餘六百八十五

大餘二十八

小餘十六

徒維執徐三年

閏十三

大餘十五

小餘九十三

大餘三十三

小餘二十四

祝犁大荒落四年

右歷書大餘者日也小餘者月也端旃蒙

者年名也支丑名赤奮若寅名攝提格干

丙名游兆正北

冬至加子時

正西

加酉時

正南

加午時

正

東

加卯時

索隱述贊曰歷數之興其來尚矣重黎是司

容成斯紀推步天象消息母子五勝輪環三
正互起孟陬貞歲疇人順軌敬授之方履端
爲美

歷書第四

史記二十六

天官書第五

史記二十七

索隱曰案天文有五官官者星官也星座有尊卑若人之官曹列位故曰天官。正義曰張僞云文曜麗乎天其動者有七日月五星是也日者陽精之宗月者陰精之宗五星五行之精眾星列布體生於地精成於天列居錯峙各有所屬在野象物在朝象官在人象事其以神著有五列焉是有三十五名一居中央謂之北斗四布於方各七為二十八舍日月運行歷示吉凶也

中宮天極星

索隱曰姚氏案春秋元命包云宮之為言宣也宮氣立精為神垣又文耀鉤曰

中宮大帝其精北極星含元出氣流精生一也爾雅云北極謂之北辰又春秋合誠圖云北辰其星五在紫微中楊泉物理論云北極天之中陽氣之北極也極南為太陽極北為太陰日月五星行太陰則無光行太陽則能照故為昏明寒暑其明者太一常居也索隱曰案春秋合誠圖云紫微大帝

室太一之精也。正義曰泰一天帝之別名也劉伯莊云泰一天神之最尊貴者也旁三星三公

正義曰三公三星在北斗杓東又三公三星在北斗魁西並為太尉司徒司空之象主變出陰陽主佐機務占以從為不吉居常則安金火守之並為咎也

或曰子屬後句四星末大星

正妃

索隱曰句音鉤句曲也援神契云辰極橫后妃四星從大妃光明又按星經以後句四星名為四輔

其勾四星為六宮亦主六軍與此不同也

餘三星後宮之屬也環之

匡衛十二星藩臣皆曰紫宮

索隱曰元命包曰紫之言此也宮之言中也言

天神運動陰陽開閉皆在此中也宋均又以為十二軍中外位各定摠謂之紫宮也

前列直斗口

三星隨北端允

索隱曰劉氏直音如字直當也又音值隨音他果反斗一作北案漢書天

文志北作北端作端允作銳銳謂星形尖邪也

若見若不曰陰德

正義曰星經云陰德

二星在紫微宮內尚書西王施德惠者故贊陰德遺惠周急賑撫占以不明為宜明新君踐極也又云陰德星中宮女主之象星動搖釁起

或曰天一

索隱曰文耀鉤曰陰宮掖貴嬪內妾惡之德為天下罰宋均以

爲陰行德者道常也。正義曰天一星疆閭闔外天帝之神主戰鬪知人吉凶明而有光則陰陽和萬物成人主吉不然反是太一一星次天一南亦天帝之神主使十六神知風雨水旱兵革饑饉疾疫占以不明及移爲災也星經云天一太一二星主王者即位令諸立赤子而傳國紫

宮左三星曰天槍右五星曰天棓

蘇林曰音榔打之榔。索隱曰

槍音七庚反梧音皮韋昭音剖詩緯云槍三星梧五星在斗杓左右主槍人梧人石氏星讚云槍梧八星備非常之變也。正義曰龐掌反天梧五星在女牀東北

天子先驅所以禦兵也占星不具國兵起也

絕漢抵營室曰閣道

索隱曰絕度也抵屬也又案樂汁圖云閣道北斗之輔石氏云

閣道六星神所乘也。正義曰漢天河也直度曰絕極至也營室七星天子之宮亦爲玄宮亦爲清廟主上公亦天子離宮別館也王者道被草木營室曆九象而可觀閣道六星在王良北飛閣之道天子欲遊別宮之道占一星不見則輦路不通動搖則宮掖之內起兵也

北斗七星所謂旋璣玉衡以

齊七政

索隱曰春秋運斗極云斗第一天樞第二旋第一

至第四為魁第五至第七為標合而為斗文耀鉤云斗者天之喉舌玉衡屬杓魁為旋璣整長曆云北斗七星星間相去九千里其二陰星不見者相去八千里也尚書旋作璿馬融云璿美玉也璣渾天儀可轉旋故曰璣衡其中橫甯以璿為璣以玉為衡蓋貴天象也鄭玄註大傳言渾儀其中甯為旋璣外規為玉衡者是也尚書大傳云七政謂春秋冬夏天文地理人道所以為政也人道正而萬事順成又馬融註尚書云七政者北斗七星各有所主第一曰主日法天第二曰主月法地第三曰命火謂熒惑也第四曰煞土謂填星也第五曰伐水謂辰星也第六曰危木謂歲星也第七曰罰金謂太白也杓攜龍角孟康曰杓北日月五星各異故各曰七政也

杓攜龍角

斗杓也龍角

東方宿也攜連也。正義曰按角星為天關其間天門其內天庭黃道所經七耀所行左角為理主刑其南為太陽道右角為將主兵其北為太陰道也蓋天之三門故其星明大則天下太平賢人在位不然反是也

衡殷

南斗魁枕參首

晉灼曰衡斗之中央殷中也。索隱曰宋均云殷當也。正義曰枕之禁

反衡斗第一星也言北方斗斗衡直當北之魁
枕於參星之道北斗之杓連於龍角南斗六星爲天廟丞
相太宰之位主薦賢良授爵祿又主兵天機南二星魁天
梁中央一星天相北二星天府庭也占斗星盛明王道和
平爵祿行不然反是參主斬刈又爲天獄主殺罰其中三
星橫列者三將軍東主後將軍西南曰右足主偏將軍故
軒轅氏占之以北曰左肩主左將軍西北曰右肩主右將
軍東南曰左足應七將也中央三小星曰伐天之都尉也
主戎狄之國不欲明若芒角張明與參等大臣謀亂兵起
夷狄內戰七將皆明天下主兵振王道缺參失色軍散敗
動搖邊侯有急參左足入玉井中及金火守皆爲起兵

用昏建者杓杓自華以

西南

孟康曰傳曰斗第七星法太白主杓斗之尾也尾

爲陰又其用昏昏陰位在西方故主西南。索隱

曰說文云杓斗柄音匹遙反即招搖也。正義曰杓東北

第七星也華華山也言北斗昏建用斗杓星指寅也杓華

山西南

夜半建者衡

徐廣曰

第五星

衡殷中州河濟之

閒

孟康曰假令杓昏建寅衡夜半亦建寅。正義曰衡

北斗衡也言北斗夜半建用斗衡指寅殷當也斗衡

黃河清水之閒地也。平曰建者魁魁海岱以東北也。孟康曰傳曰斗

第一星法於日主齊也。魁斗之首首陽也。又其用在明陽與明德在東方故主東北齊分。正義曰言北斗建用

斗魁指寅也。海岱代郡也。言魁星主海岱之東北地也。隨三時所指有前三建也。斗為帝車運

于中央

索隱曰姚氏案宋均云言是大帝乘車巡狩故無所不紀也

臨制四鄉分

陰陽建四時均五行移節度定諸紀皆繫於斗

斗魁戴匡六星

晉灼曰以戴故曰戴匡也

曰文昌宮

索隱曰文耀鉤云文昌宮

為天府孝經援神契云文者精所聚昌者揚天紀輔拂並居以成天象故曰文昌宮

一曰上將二

曰次將三曰貴相四曰司命五曰司中六曰司

祿

索隱曰春秋元命包曰上將建包曰上威武次將正左右貴相理文緒司祿賞功進士司命主災咎司灾

主左理也

在斗魁中貴人之牢

孟康曰傳曰天理四星在斗魁中貴人牢名曰

天理。索隱曰樂汁圖曰天寶理貴人牢宋均曰以理
牢獄也。正義曰占明及其中有星比貴人下獄也。魁

下六星兩兩相比者名曰三能

蘇林曰音三台。索隱曰漢書東方朔願陳泰階六符孟康曰泰階三台也台星凡六星六符

三星之符驗也應劭引黃帝泰階六符經曰泰階者天子
之三階上階上星為男主下星為女主中階上星為諸侯
三公下星為卿大夫下階上星為士下星為庶人三階平
則陰陽和風雨時不平則稼穡不成冬雷夏霜天行三能
暴令好興甲兵修宮榭廣苑囿則上階為之圯也

色齊君臣和不齊為乖戾輔星

孟康曰在北斗第
六星旁。正義曰

大臣之象也占欲其小而明若大而明則臣奪君政小
明則臣不任職明大與斗合國兵暴起暗而遠斗臣不死
則奪若近臣專賞用賢排佞則輔生角近臣明近輔臣
擅國符印將謀社稷則輔生翼不然則死也

親彊斥小疏弱

蘇林曰斥遠也

杓端有兩星一內為矛

招搖

孟康曰近北斗者招搖招搖為天矛晉灼曰更河
三星天矛鋒招搖一星耳。索隱曰案詩紀歷樞

云更河中招搖為胡兵宋均云招搖星在更河內樂汁圖云更河天矛星宋均以為更河名天矛則更河是星名也

外為盾天鋒

晉灼曰外遠北斗也在招搖南一名玄戈。正義曰星經云梗河星為戟劍之

星若星不見或進退不定鋒鏑亂起將為邊境之患也

有句圖十五星

索隱曰句音鈞圖音

負其形如連環即貫索星也

屬杓

正義曰屬音燭

曰賤人之牢

索隱曰詩紀歷樞云

賤人牢一曰天獄又樂汁圖云連營賤人牢宋均以為連營貫索星也。正義曰貫索九星在七公前一曰連索主

法律禁暴強也為賤人牢也且一星為門欲其開也占星悉見則獄事繁不見則刑務簡動搖則斧鉞用中虛則改

元口開則有赦人主憂若閉口及星入牢中有自繫死者常夜候之一星不見有小喜二星不見則賜祿三星不見

則人主德令且赦遠十七日近十六日若有客星出見其小大大有大赦小亦如之也

其牢中星

實則囚多虛則開出天一槍格矛盾動搖角大

兵起

李奇曰角芒角

東宮蒼龍房心心為明堂

索隱曰文耀鉤云東

宮倉帝其精為龍爾雅云大辰房心星也李巡曰大辰蒼龍宿體最明也春秋說題辭云房心為明堂天王布政之宮尚書運期授曰所謂房四表之道宋均云四星間有三道日月五星所從出入也

大星天王前

後星子屬

索隱曰鴻範五行傳曰心之大星天子也前星太子後星庶子

不欲直直

則天王失計房為府曰天駟

索隱曰爾雅云天駟房也詩紀歷樞云房

為天馬主車駕宋均云房既近心為明堂又別為天府及天駟也

其陰右驂

正義曰房星君之位

亦主左驂亦主良馬故為駟王者恒祠之是馬祖也

旁有兩星曰矜

索隱曰音其炎反元

命包曰鈎鈐兩星以閑防神府闔舒為主鈎距以備非常也。正義曰占明而近房天下同心鈎鈐房心之間有客

星出及疎拆者皆地動之祥也

北一星曰牽

徐廣曰音轄。正義曰說文云牽車軸帶鍵也兩相

穿背也星經云鍵閉一星在房東北掌管筭也占一反不居其所則津梁不通宮門不禁居則反是也

東北

曲十二星曰旗

正義曰兩旗者左旗九星在河鼓左也右旗九星在河鼓右也皆天之鼓旗所

以為旌表占欲其明大光潤將軍吉不然為兵
憂及不居其所則津梁不通動搖則兵起也
旗中四

星曰天市
正義曰天市二十三星房心東北王國市聚交易之所一日天旗明則市吏急商人無利

忽然不明反是市中星眾則歲實稀則歲虛熒惑犯戮不忠之臣彗星出當徙市易都客星入兵大起出之有貴喪

也中六星曰市樓市中星眾者實其虛則耗
正義

曰耗貧無也**房南眾星曰騎官左角李右角將**
索隱曰李

即理法官也故元命包云左角理物以起右角將率而動又石氏云左角為天田右角為天門也**大角**

者天王帝廷
索隱曰援神契云大角為坐候宋均云坐帝坐也。正義曰大角一星在兩攝

提間人君之象也占其明盛黃潤則天下大同也**其兩旁各有三星鼎足**

句之曰攝提
晉灼曰如鼎之句曲。索隱曰元命包云攝提之為言提携也言能提斗携角以接

於下也。正義曰攝提六星夾大角大臣之象恒直斗灼所指紀八節察萬事者也占色温温不明而大者人君恐

客星入之聖人受制也
攝提者直斗杓所指以建時節故曰

攝提格亢為䟽廟
索隱曰元命包云元四星為廟廷文耀鈞為䟽廟宋均以為䟽外也

廟或為朝也。正義曰聽政之所也其占明大則輔臣忠天下寧不然則反是也
主疾其南北

兩大星曰南門
正義曰南門二星在庫樓南天之外門上明則氏羌貢暗則諸夷叛客星

守之外兵且至也
氏為天根
正義曰星經云氏四星為露寢聽朝所居其占明大則臣下奉度合

誠圖云氏為宿宮也
主疫
索隱曰爾雅云天根氏也孫炎以為角元下繫於氏若木之有根宋均云疫疾

也三月榆莢落故主疾疫也然此時物雖生而日宿在奎行毒氣故有疫疾也。正義曰氏房心三宿為災於辰在

卯宋之分野
尾為九子
索隱曰宋均云屬後宮塲故得兼子子必九者取尾有九星也元命包云

尾九星箕四星為後宮之塲也。正義曰尾箕尾為析木之津於辰在寅燕之分野尾九星為後宮亦為九子星近

心第一星為后妃次三星並為次三嬪末二星為妾占均明大小相承則後宮敘而多子不然則不金火守之後宮

兵起若明暗不常妃
嬬垂亂妾媵失序

曰君臣斥絕不和箕為教客

曰口舌

索隱曰宋均云教調弄也箕以簸揚調弄為象
箕又受物有去去來來客之象也詩云維南有

箕載翕其舌又詩緯云箕為天口王出氣是箕有舌象讒
言故詩曰哆兮侈兮成是南箕謂為教客行請謁也。正
義曰教音徽箕王入風亦后妃之府也移徙入河
國人相食金火入守天下亂月宿其野為風起

火犯

守角則有戰

索隱曰韋昭曰火熒惑。正義曰熒惑犯
守箕尾氐星自生芒角則有戰陣之事若

熒惑守房心及房心自
生芒角則王者惡之也

房心王者惡之也南宮朱

鳥

正義曰柳八星為朱鳥味
天之厨宰王尚食和滋味

權衡

孟康曰軒轅為權
太微為衡。索隱

曰文耀鉤云南宮赤帝其精為朱鳥也。正義曰權四星
在軒轅尾西主烽火備警急占以明為安靜明一訓警急
動搖芒角亦如之

衡太微二光之廷

索隱曰宋均曰太
微天帝南宮也三

光日月
五星也

匡衛十二星藩臣

索隱曰春秋合誠圖曰太
微主法式陳星十二以備

天官書

武急也。○正義曰：太微宮垣十星在翼軫地，天子之宮庭。五帝之坐十二諸侯之府也。其外藩九卿也。南藩中二星間於端門，次東第一星為左執法，廷尉之象。第二星為上相。第三星為次相。第四星為次將。第五星為上將。端門西第一星為右執法，御史大夫之象也。第二星為上將。第三星為次將。第四星為次相。第五星為上相。其東垣北左執法上相兩星間名曰左掖門。上相兩星間名曰東華門。上相次相上將次將間名曰太陽門。其西垣右執法上將間名曰右掖門。上將間名曰西華門。次將次相間名曰中華門。次相兩星間名曰太陰門。各依其名，是其職也。占與紫宮垣同也。

西將東相南四星執法中端門門左右掖

門門內六星諸侯

正義曰：內五諸侯五星列在帝庭，其星並欲光明潤澤。若枯慘則各於其

處受其災變。大至誅戮，小至流亡。若動搖則擅命以干主者，審其分以占之，則無惑也。又云：諸侯五星在東井北何主刺舉戒不虞。又曰：理陽察得失。一曰：帝師。二曰：帝友。三曰：三公。四曰：博士。五曰：太史。此五者為天子定疑議也。占明大潤澤大小齊等，則國之福。其內五星五帝坐。索隱：不然，則上下相猜，忠臣不用。

曰詩含神霧云五精星坐其東蒼帝坐神名靈威仰精爲青龍之類也。正義曰黃帝坐一星在太微宮中含樞紐之神四星夾黃帝坐蒼帝東方靈威仰之神赤帝南方赤熒怒之神白帝西方白昭矩之神黑帝北方叶光紀之神五帝並設神靈集謀者也占五座明而光則天子得天地之心不然則失位金火來守入太微若順入軌道司其出之所守則爲天子所誅也其逆入後聚一十五星尉若不軌道以所犯名之中坐成形

然徐廣曰一云哀烏 **曰郎位**索隱曰漢書作哀烏則哀烏蔚然位也。正義曰郎位五星在太微中帝坐東北周之元士僕之光祿中散諫議此三署郎中是今之尚書郎占欲其大小均耀光 **傍一大星將位也**索隱曰宋均云爲羣郎潤有之吉也 **月五星**子象反郎將一星在郎位東北所以爲武備今 **順入軌道**索隱曰韋昭云謂循軌道不邪逆也順入從西入也。正義曰謂月五星順入軌道入太微庭也 **司其出所守天子所誅也**索隱曰宋均云司察日月五星所守

列宿若請官屬不去十日其逆入若不軌道以所犯

命之中坐成形晉灼曰中坐犯帝坐也成形禍福之形見也。索隱曰宋均云逆入從東入不

軌道不由康衢而入也以其所犯命者亦皆羣下從謀

也正義曰命名也謂月五星逆入不依軌道司察其所犯太微中帝坐帝坐必成其刑戮皆是羣下相從而謀上也

金火尤甚索隱曰案火主銷物而金為兵故尤急則水土木為小變也。正義曰若金火逆入

不軌道犯帝坐尤甚於月及水土木也廷藩西有隋星五隋音他果反

均云南北為隋曰少微士大夫索隱曰春秋合誠圖云少微處士位又天官占

云一名處士星也。正義曰廷太微廷藩衛也少微四星在太微南北列第一星處士也第二星議士也第三星博

士也第四星大夫也占以明大黃潤則賢士權軒轅軒

轅黃龍體孟康曰形如騰龍。索隱曰援神契曰軒轅十二星后宮所居石氏星讚以軒轅龍

體王后妃也。正義曰軒轅十七星在七星北黃龍之體王雷雨之神後宮之象也陰陽交感雷激為電和為雨怒為風亂為霧凝為霜散為露聚為雲氣立為虹蜺離為皆瑋分為抱珥二十四變皆軒轅主之其大星女主也次北一星夫人也次北一星妃也其次諸星皆次妃之屬女主南一小星女御也左一星少民后宗也占欲其小黃而明吉大明則為後宮爭競移徙則國人流徙東西前大星女角大張而振后族敗水火金守軒轅女主惡也

主象旁小星御者後宮屬月五星守犯者如衡

占

索隱曰宋均云責在右黨嬉譏賊與占此祥天子亦當誅之

東井為水事

索隱曰元命包

云東井八星主水衡也

其西曲星曰鉞

正義曰東井八星鉞一星與鬼五星為質一星

為鶉首於辰在未皆秦之分野一八星黃道云所經為天之享候主水衡事法令所取平也王者用法平則井星明而端列鉞一星附井之前主伺奢淫而斬之占不欲其明與井齊或搖動則天子用鉞於大臣月宿井有風雨之變也

鉞北北河南南河

正義曰南河三星北河三星分夾東井南北置而為戒一曰陽

門亦曰越門北河比戒一曰陰門亦為胡門兩戒間三光之常道也占以南星不見則南道不通北亦如之動搖及火守中國兵起也又云動則兩河天關間為關梁索隱胡越為變或連近臣以結之

曰宋均云兩河六星知逆邪言關梁之限知邪偽也。正義曰關立二星在河南天子之雙關諸侯之兩觀亦象魏縣書之府金火守輿鬼鬼祠事中白者為質晉灼曰輿

鬼五星其中白者為質。正義曰輿四星主祠事天田也主視明察姦謀東北星主積馬東南星主積兵西南星主積布帛西北星主積金玉隨其變占之中一星為積死一名質主喪死祠祀占鬼星明大穀成不明百姓散質欲其役不明明則兵起大臣誅下人死之

火守南北河兵起穀不登故德

成衡觀成潢

晉灼曰日月五星不軌道也衡太微廷也觀占也潢五帝車舍

傷成鉞

晉灼曰賊傷之占先成形於鉞。索隱曰案德成衡衡則能平物故有德公平者先成形於衡觀成潢為帝車舍言王者遊觀亦先成形於潢也傷成鉞者傷敗也言王者敗德亦先成形於鉞以言有敗亂則有鉞誅之然案文耀鉤

則云德成漢敗成鉞其意異也又此下文禍成井誅成質皆是東井下義摠列於此也

禍成井

晉灼曰熒惑入

日東井主水事火入一星居其旁天子且以火敗故曰禍也

誅成質

晉灼曰熒惑入與鬼天質占曰

大臣有誅柳為鳥注主木草

索隱曰案漢書天文志注作喙爾雅云鳥喙謂之柳孫炎

云喙朱鳥之口柳其星聚也以注為柳星故主草木也。正義曰喙丁救反一作注柳八星星一星張六星為鶉火

於辰在午皆周之分野柳為朱鳥喙天之厨宰主尚食和滋味占以順明為吉金火守之國兵大起

七星

頸為負官主急事

索隱曰案宋均云頸朱鳥鵲也負官隴喉也物在隴喉終不久留故

主急事也正義曰七星為頸一名天都主衣裳文繡主急事以明為吉暗為凶金火守之國兵大起

張素

為厨主觴客

索隱曰素素也爾雅云鳥張素郭璞云鳥受食之處也。正義曰張六星六為素主

天厨飲食賞賚觴客占以明為吉暗為凶金火守之國兵大起

翼為羽翮主遠客

正義

曰翼二十星軫四星長沙一星轄二星合軫七星皆為鶉尾於辰在巳楚之分野翼二十二星為天樂府又主夷狄

亦主遠客占明大禮樂興四夷服徙則天子舉兵以罰亂者

軫為車主風

索隱曰宋均云軫四

星居中又有二星為左右轄車之象也軫與巽同位為風車動行疾似之也。正義曰軫四星主冢宰輔臣又主車

騎亦主風占明大則車騎用太白守之天下學校散文儒失業兵戈大興熒惑守之南方有不用命之國當發兵伐

之辰星守之徐泗有戮之者

其旁有一小星曰長沙

正義曰長沙一星在軫中

主壽命占明主長壽子孫昌也

星星不欲明明與四星等若五星

入軫星中兵大起

索隱曰宋均云五星主行使使動兵車亦動也

軫南眾星

曰天庫

正義曰天庫一星主太白秦也在五車中

樓庫有五車車星角

若益眾及不具無處車馬西宮

索隱曰文耀鉤云西宮白帝其精白

虎咸池

正義曰咸池三星在五車中天潢南魚鳥之所託也金犯守之兵起火守之有灾也

曰天

五潢五潢五帝車舍

索隱曰案元命包曰咸池主五穀其星五者各有所職咸池言

穀生於水含秀含實王秋垂故一名五帝車舍言以車載穀而販也。正義曰五車五星三柱九星在畢東北天子五兵車舍也西北大星曰天庫主太白秦也次東北星天獄主辰燕趙也次東曰天倉主歲衛魯也次東南曰司空主鎮楚也次西南曰卿主熒惑魏也占五車均明柱皆見則倉庫實不見其國絕食兵見起五車三柱有變各以其國占之三柱入出一月米貴三倍期二年出三月貴十倍一年柱出不與天倉相近軍出米貴轉粟千里柱例王尤其火入天下旱金火入旱金兵水索隱曰謂火金水入五橫則各致此災也宋均云不言木土者木土德星於此不為害也

曰封豕為溝瀆正義曰奎主反十六星婁三星為降婁於辰在戌魯之分野奎天之府

庫一曰天豕亦曰封豕主溝瀆西南大星所謂天豕目占以明為吉星不欲圍圓圓則兵起暗則臣干命之咎亦不欲開闔無常當有白衣稱命於山谷者五星犯奎臣主共德權臣擅命不可禁者王者宗祀不潔則奎動搖若燄燄有光則近臣謀上之應亦庶人饑饉之厄太白守奎胡貉之憂可以伐之熒惑星守之則有水之憂連以三年填

星歲星守之中國之利外國不利可以與師動衆斬斷無道

婁為聚衆

正義曰婁三星為苑牧養

犧牲以共郊祀亦曰聚衆占動搖則衆兵聚金火守之國死兵起也

胃為天倉

正義曰胃三星昂七

星畢八星為大梁於辰在酉趙之分野謂主倉廩五穀之府也占明則天下和平五穀豐稔不然反是也

其南

衆星曰會積

如淳曰芻蒿積為會也。正義曰芻蒿六星在天苑西主積藁草者不見則牛馬暴

死火守**昂曰髦頭**

正義曰昂一星為髦頭胡星亦為獄災起也

明與大星等大水且至其兵大起搖動若跳躍者胡兵大起一星不見皆兵之憂也

胡星也為白

衣會畢曰罕車

正義曰畢八星曰罕車為邊兵主弋獵其大星曰天高一曰邊將四夷之

尉也星明大天下安遠夷入貢失色邊亂畢動兵起月宿則多雨毛萇云畢所謂掩兔也

為邊兵

曰爾雅云獨謂之畢孫炎為掩兔之畢或呼為獨因以名星

主弋獵其大星旁小

星為附耳

正義曰附耳一星屬畢大星之下次天高東南隅主為人主聽得失伺僣過星明則中國

微邊寇警移動則讒
佞行入畢國起兵

附耳搖動有讒亂臣在側昂

畢間為天街

索隱曰元命包云畢為天階爾雅云大梁
昂孫炎云畢昂之間日月五星出入要道

若津梁。正義曰天街二星在畢昂間主國界也街
南為華夏之國街北為夷狄之國土金守胡兵入也

其陰

陰國陽陽國

孟康曰陰西南坤維河山
已北國陽河山已南國

參為白虎義

曰觜三星參三星外四星為實沉
於辰在申魏之分野為白虎形也

三星直是也為衡

石

孟康曰參三星者白
虎宿中西直似稱衡

下有三星允曰罰

孟康曰在
參間上小

下大故曰銳晉灼曰
三星少斜列無銳形

為斬艾事

正義曰罰亦作伐春秋
運斗樞云參伐事主斬

艾其外四星左右肩股也小三星隅置曰觜觿

為虎首主葆旅事

如淳曰關中俗謂桑榆孽生為葆
晉灼曰葆菜也野生曰旅今之飢

民采旅生也。索隱曰姚氏案宋均云葆守也旅猶軍旅
也言佐參伐以斬除凶也。正義曰觜子思反觿胡規反

葆音保紫鰲爲虎首主收斂葆旅事也葆旅其南有四

星曰天廁

正義曰天廁四星在屏主溷也占色黃土青與白皆凶不見則人寢疾

廁下

一星曰天矢

正義曰天矢一星在廁南占與天廁同也

矢黃則吉青白

黑凶其西有句曲

正義曰句音鉤

九星三處羅一曰天

旗

正義曰參旗九星在參西天旗也指麾遠近以從命者王者斬伐當理則天旗曲直順理不然則兵動於外可

以憂之若明而稀則邊寇動不然則不

二曰天苑

正義曰天苑十六星如環狀在畢南天子養禽

獸益稀暗則多死也

三曰九游

徐廣曰音流。正義曰九游九星在玉井西南天子之兵旗所以導

軍進退亦領州列邦並不欲搖動搖動則九州分散人又失業信命一不通於中國憂以金火守之亂起也

其

東有大星曰狼

正義曰狼一星參東南狼爲野將主侵掠占非其處則人相食色黃白而明吉

赤角兵起金木火守亦如之

狼角變色多盜賊下有四星曰弧

正義曰弧九星在狼東南天之弓也以伐叛懷遠又主備賊盜之知茲邪者弧矢向狼動移多盜明大變色亦如之
矢不直狼又多盜引
滿則天下盡兵也
直狼狼比地有大星
晉灼曰比地近地也

曰南極老人
正義曰老人一星在弧南一曰南極爲人主之壽命延長之應常以秋分之曙見於

景春分之夕見於丁見國長命故謂之壽昌天下安寧不見人主憂也
老人見治安不

見兵起常以秋分時候之于南郊附耳入畢中

兵起北宮玄武
正義曰南斗六星牽牛六星並北宮玄武之宿
虛危
索隱曰文耀鉤

云北宮黑帝其精玄武爾雅云玄枵虛也又云北陸虛也解者以陸爲道孫炎曰陸中也北方之宿中也。正義曰虛二星危三星爲玄枵於辰在子齊之分野虛主死喪哭泣事又爲邑居廟堂祭祀禱祝之事亦天之冢宰主平理天下覆藏萬物占動則有死喪哭泣之應火守則天子將兵水守則人饑饉金守臣下兵起危爲宗廟祀事主天市架屋占動則有土功火守
危爲蓋屋
索隱曰宋均云危上一星高旁兩星

隋下似乎蓋屋也。正義曰蓋屋二星在危南主天子所居宮室之官也。占金火守入國兵起。李善尤甚危為架屋自有星恐虛為哭泣之事。索隱曰姚氏案荊州占以文誤也。為其宿二星南星主哭泣。

虛中六星不欲明。其南有眾星曰羽林天軍。正義曰明則有大喪也。羽林三

十五星三三而聚散在壘辟南。天軍也。亦天宿衛主兵革出不見則天下亂。金火水入軍起也。軍西為

壘。正義曰壘辟陳十二星橫列在營室南。天軍之垣壘占之非故兵起將軍死也。或曰鉞旁

有一大星為北落北落若微亡軍星動角益希

及五星犯北落。正義曰北落師門一星在羽林西南。天軍之門也。長安城北落門以象此也。主

非常以候兵占明則軍安微弱則兵起。金火守有兵為虜犯塞土水則吉。入軍軍起火金

水尤甚火軍憂水患木土軍吉。漢書音義曰木星土星入北落則吉

也。危東六星兩兩相比曰司空。正義曰比音臯比近也。危東兩兩相

比者是司命等星也司空唯一星耳又不在危東恐命字誤爲空也司命二星在虛北主喪送司祿二星在司命北主官司危二星在司祿北主危亡司非二星在危

營室

索隱曰元命包云營室十星挺陶精類始立紀綱包物爲室又爾雅云營室謂之定郭璞云定正也天下作宮室皆以營室中爲正也

爲清廟曰離宮閣道

索隱曰荊州占云閣道王良旗也有六星

漢中四星曰天駟

索隱曰元命包云漢中四星曰騎一曰天駟也

旁一星

曰王良

索隱曰春秋合誠圖云王良主天馬也。正義曰王良五星在奎北河中天子奉御官也其動

策馬則兵騎滿野客星守之津橋不通金火守入皆兵之憂

王良策馬

正義曰策一星在王良前

主天子僕也占以動搖移在王良前或居馬後別爲策馬策馬而兵動也按豫章周騰字叔達南昌人爲侍御史桓帝當南郊平明應出騰仰觀曰夫王者象星今宮中星及策馬星衆不動上明日必不出至四更皇太子卒遂止也

車騎滿野旁有八星絕漢曰天潢

索隱曰元命包曰潢主河渠所

以度神通四方宋均云天潢天津也津湊也主計度也

天潢旁江星

正義曰天江四星在尾北

主太陰也不欲明明而動水暴出其星明大水不禁也

江星動人涉水杵曰四

星在危南

正義曰杵曰三星在丈人星旁主軍糧占正下直曰吉與曰不相當軍糧絕也曰星在南

主春其占覆則歲大饑仰則大熟也

匏瓜

索隱曰荊州占云匏瓜一名天雞在河鼓東匏瓜明則歲大熟

也。正義曰匏音白包反匏瓜五星在離珠北天子果園占明大光潤歲熟不則包果之實不登客守魚鹽貴也

有青黑星守之魚鹽貴南斗

正義曰南斗六星在南也為廟

其北建星

正義曰建六星在斗北臨黃道天之都關也斗建之間七耀之道亦主旗輅占動搖則人

勞不然則不月暈蛟龍見牛馬疫月五星犯守大臣相謀為關梁不通及大水也

建星者旗也

牽牛

正義曰牽牛為犧牲亦為關梁其北二星一曰即路一曰聚火又上一星主道路關梁通不明不通

天下牛疫死移入漢中天下乃亂也

為犧牲其北河鼓

索隱曰爾雅云河鼓謂之牽牛

孫炎云河鼓之旗十二星在牽牛北故或名河鼓爲牽牛也。正義曰河鼓三星在牽牛北主軍鼓蓋天子三將軍中央大星大將軍其南左星左將軍其北右星右將軍所以備關梁而拒難也占明大光潤將軍吉動搖差戾亂兵起直將有功曲則將失計也自昔傳牽牛織女七月七日相見此星也

河鼓大星上將

左右左右將婺女

索隱曰爾雅云須女謂之務女或作婺字。正義曰須女四星亦婺

女天少府也南斗牽牛須女皆爲星紀於辰在丑越之分野而斗牛爲吳之分野也須女賤妾之稱婦職之卑者主布帛裁製嫁娶占水守之萬物不成火守其北織女正義布帛貴人多死土守有女喪金守兵起也其北織女正義曰織女三星在河北天紀東天女也主果麻絲帛珍寶占王者至孝於神明則三星俱明不然則暗而微天下女工廢明則理大星怒而角布帛涌貴不見則兵起晉書天文志云晉太史令陳卓摠甘石巫咸三家所著星圖大凡二百八十三宮一千四百六十四星以織女天女孫也爲定紀今略其昭昭者以備天官云

徐廣曰孫一作名。索隱曰荊州占云織女一名天女天子女也

察日月之行

正義曰晉灼云

太歲在四仲則歲行三宿太歲四孟四季則歲行二宿以二十八十六三四十十二而行二十八宿十二歲而周天

揆歲星順逆

索隱曰姚氏案天官占云歲星一日應星

謂之歲星則十二歲而星一周天也。正義曰天官云歲星者東方木之精蒼帝之象也其色明而內黃天下安寧夫歲星欲春不動動則豐廢歲星盈縮所在之國不可伐可以罰人失次則民多病見則喜夫所居國人主有福不可以搖動人主怒無光仁道失歲星順行仁德加也歲星農官主五穀天文志云春日甲乙四時春也五常仁五事貌也人主仁虧貌失逆時令傷木氣則罰見歲星

曰東方木主春日甲乙

義失者罰出歲星歲星羸縮

索隱曰案天文志曰凡五星早出為羸羸

為客晚出為縮縮為主入五星羸縮必有天應見杓也

以其舍命國

正義曰舍所止宿也命名

也所在國不可伐可以罰人其趨舍而前曰羸

索隱曰趨音聚謂促也

退舍曰縮羸其國有兵不復縮其國

有憂將亡

正義曰將亡音子匠反

國傾敗其所在五星皆從而

聚於一舍

索隱曰漢高帝元年五星皆聚于東井天文志云其年歲星在東井故四星從而聚也

其下之國可以義致天下以攝提格歲

索隱曰太歲在寅歲

星正月晨出東方按爾雅歲在寅為攝提格李巡云言萬物承陽起故曰攝提格格起也

歲陰左行

在寅歲星右轉居丑正月與斗牽牛晨出東方

名曰監德

索隱曰歲星在正月晨見東方之名已下皆出石氏星經文乃云星在斗牽牛失次應見

於杓也漢書天文志則載甘氏及太初星曆所在之宿不同也

色蒼蒼有光其失次

有應見柳歲早水晚旱歲星出東行十二度百

日而止反逆行逆行八度百日復東行歲行三

十度十六分度之七率日行十二分度之一十二

歲而周天出常東方以晨入於西方用昏單闕

歲

索隱曰在卯也歲星二月晨出東方爾雅云卯為單闕李巡云陽氣推萬物而起故曰單闕單盡也闕止也

歲陰在卯星居子以二月與婺女虛危晨出曰

降入

索隱曰即歲星三月晨見東方之名其餘准此

大有光其失次有應

見張名曰降入其歲大水執徐歲

索隱曰爾雅辰為執徐李巡云

伏蟄之物皆振舒而出故曰執徐執蟄也徐舒也

歲陰在辰星居亥以三月

居與營室東壁晨出曰青章青青其章其失次

有應見軫曰青章歲早早晚水太荒駱歲

索隱曰爾雅云

在巳為大荒駱姚氏云言萬物皆熾盛而大出霍然落落故曰荒駱也

歲陰在巳星居

戌以四月與奎婁胃昂晨出曰跼踵

徐廣曰一曰路障。索隱

曰天文志作路踵字詁云踵今作踵也。正義曰跽白邊反踵之勇反。熊熊赤色有光

其失次有應見亢躬牂歲索隱曰爾雅云在午爲躬牂孫炎云躬盛也牂壯也

言萬物盛壯韋昭云躬音頓歲陰在午星居酉以五月與胃昴

畢晨出曰開明徐廣曰一曰天津。索隱曰天文志作啓明炎炎有光

正義曰炎鹽驗反偃兵唯利公王不利治兵其失次有應

見房歲早早晚水叶洽歲索隱曰爾雅云在未爲叶洽李巡云陽氣欲化萬物

故曰協洽協和也洽合也歲陰在未星居申以六月與觜觿正義

曰觜子斯反觿胡規反參晨出曰長列昭昭有光利行兵其

其失次有應見箕索隱曰爾雅云在申爲箕灘歲灘李巡云箕灘物吐秀傾

垂之貌渚他昆反灘他丹反歲陰在申星居未以七月與東井

輿鬼晨出曰大音昭昭白其失次有應見牽牛

作鄂歲

索隱曰爾雅在酉爲作鄂李巡云作鄂皆物芒枝起之貌鄂音愕今案下文云作作有芒則李

巡解亦近天文志作語音五格反與史記及爾雅並異也

歲陰在酉星居午以八

月與柳七星張晨出曰爲長主作作有芒國其

昌孰穀其失次有應見危曰大章有旱而昌有

女喪民疾闇茂歲

索隱曰爾雅云在戌曰闇茂孫炎云萬物皆蔽冒故曰闇茂闇蔽也

茂冒也天文志作掩茂

歲陰在戌星居巳以九月與翼軫晨

出曰天睢

索隱曰劉氏音吁唯反

白色大明其失次有應見

東壁歲水女喪大淵獻歲

索隱曰爾雅云在亥爲大淵獻孫炎云淵深也大獻

萬物於深謂蓋藏之於外也

歲陰在亥星居辰以十月與角元

晨出曰大章

徐廣曰一曰大星。索隱曰天文志亦作大星。

蒼蒼然星若

躍而陰出曰是謂正平起師旅其率必武其國

有德將有四海其失次有應見婁困軫歲

索隱曰爾

雅在子爲困軫孫炎云困軫混純也言萬物初萌混純於黃泉之下也

歲陰在子星居

卯以十一月與氏房心晨出曰天泉玄色甚明

江池其昌不利起兵其失次有應在昂赤奮若

歲

索隱曰爾雅云在丑爲赤奮若李巡云言陽氣奮迅若順也

歲陰在丑星居寅

以十二月與尾箕晨出曰天皓

索隱曰音昊漢志亦作昊

黥然

黑色甚明

索隱曰黥音烏閑反

其失次有應見參當居不

居居之又左右搖未當去去之與他星會其國

凶所居久國有德厚其角動下小下大若色數

變人主有憂其失次舍以下進而東北三月生

天梧

正義曰梧音蒲講反歲星之精散而為天槍天梧天衝天猾國皇天攬及登天荆貞若天猿天垣蒼

彗皆以應凶灾也天梧者一名覺星本類星者如末銳長四丈出東北方西方其出則天下兵爭也

長四

尺

索隱曰天文志此皆甘氏星經文而志又兼載石氏此皆不取石氏名申夫甘氏名德

末兌進

而東南三月生彗星

正義曰天彗者一名掃星本類星末類彗小者數寸長長或竟

天而體無光假日之光故夕見則東指晨見則西指若日南北皆隨日光而指光芒所及為灾變見則兵起除舊布

新彗所指之麴弱也

長二丈類彗星退而西北三月生天攬

韋昭曰攬音參差之參。正義曰攬楚咸反天攬者在西南長四丈銳京房云天攬為兵赤地千里枯骨籍籍天文

志云天槍主兵亂也

長四丈末兌退而西南三月生天槍

正義

曰搶楚行反天搶者長數丈兩頭銳出西南方其見不過三月必有破國亂君伏死其辜天文志云孝文時天搶夕出西南占曰爲兵喪亂其六年十一月長數丈兩頭兌匈奴入上郡雲中漢起兵以衛京師也

謹視其所見之國不可舉事用兵其出如浮如

沈其國有土功如沈如浮其野云色赤而有角

其所居國昌迎

徐廣曰一作御

角而戰者不勝星色赤

黃而沈所居野大穰

正義曰穰人羊反豐熟也

色青白而赤

灰所居野有憂歲星入月其野有逐相與太白

鬪

韋昭曰星相擊爲鬪

其野有破軍歲星一曰攝提曰重

華曰應星曰紀星營室爲清廟歲星廟也察剛

徐廣曰一作罰

氣以處熒惑

索隱曰案姚氏引廣雅熒惑謂之執法天官占之熒惑方伯象

司察妖孽則徐云察罰氣爲是春秋緯文耀鉤云赤帝慄怒之神爲熒惑位在南方禮失則罰出晉灼云常以十月入太微受制而出行列宿司無道出入無常也

曰南方火主夏日丙丁禮失

罰出熒惑熒惑失行是也出則有兵入則兵散以其舍命國熒惑熒惑爲勃亂殘賊疾喪饑兵

徐廣曰以下云熒惑爲理外則理兵內則理政。正義曰天官占云熒惑爲執法之星其行無常以其舍命國爲殘賊爲疾爲喪爲饑爲兵環繞勾已言角動搖乍前乍後其殃逾甚熒惑主死喪大鳩臚之象主甲兵大司馬之義伺驕奢亂孽執法官也其精爲風伯惑童兒歌謠嬉戲也

反道二舍以上居之三

月有殃五月受兵七月半亡地九月太半亡地

因與俱出入國絕祀居之殃還至雖大當小

索隱

曰案還音旋旋疾也若熒惑反道居其舍所致殃禍速疾則雖大反小

久而至當小反大

索隱曰久謂行遲也如此其南為丈夫北為女子喪

禍小反大言久腊毒也索隱曰宋均云焚惑守輿鬼南為丈夫受其咎北則女子受其凶也若角動繞環之及

乍前乍後左右殃益大與他星關正義曰凡五星

不在外則為內亂關謂光芒相及光相逮為害不相逮不害五星

皆從而聚于一舍正義曰三星若合是謂驚立絕行其國外內有兵與喪人民饑乏改

立侯王四星若合是為太陽其國兵喪暴起君子憂小人

流五星若合是謂易行有德者受慶掩有四方無德者受

殃乃以其下國可以禮致天下法出東行十六

滅亡也舍而止逆行二舍六旬復東行自所止數十舍

十月而入西方伏晉灼曰伏不見行五月出東方其出

西方曰反明主命者惡之東行急一日行一度

半其行東西南北疾也兵各聚其下用戰順之

勝逆之敗熒惑從太白軍憂離之軍却出太白

陰有分軍行其陽有偏將戰當其行太白逮之

破軍殺將

索隱曰宋均云太白宿主軍來衝拒也

其入守犯太微

孟康

曰犯七寸已內光芒相及也韋昭曰自下觸之曰犯居其宿曰守

軒轅營室主命惡

之心爲明堂熒惑廟也謹候此曆斗之會以定

填星之位

索隱曰晉灼曰常以甲辰之元始建斗歲鎮一宿二十八歲而周天廣雅曰填星一名地

侯文耀鉤曰鎮黃帝含樞紐之精其體旋璣中宿之分也

曰中央土主季夏日戊

己黃帝主德女主象也歲填一宿其所居國吉

未當居而居若已去而復還還居之其國得土

不乃得女若當居而不居既已居之又西東去其國失土不乃失女不可舉事用兵其居久其國福厚易福薄

徐廣曰易猶輕速也

其一名曰地侯主歲

歲行十二度百十二分度之五日行二十八分度之一二十八歲周天其所居五星皆從而聚于一舍其下之國可重

正義曰重音逐龍反言五星皆從填星其下之國倚重而

致天下以填主水土故也

致天下禮德義殺刑盡失而填星乃

爲之動搖羸爲王不寧其縮有軍不復填星其色黃光芒音曰黃鐘宮其失次上二三宿曰羸有主命不成不乃大水失次下二三宿曰縮有

后戚其歲不復不乃天裂若地動斗爲文太室

填星廟天子之星也木星與土合爲內亂饑正義

曰星經云凡五星木與土合爲內亂饑與水合爲變謀更事與火合爲旱與金合爲白衣會也主勿用

戰敗水則變謀而更事火爲旱金爲白衣會若

水金在南北牡索隱曰晉灼曰歲陽也太白陰也故曰北牡。正義曰星經云金在南木

在北名曰牝牡年穀大孰金在北木在南其年或有或無年穀孰金在北歲偏無

火與水合爲燁晉灼曰火入水故曰燁。索隱曰案謂火與水俱從填星合也。正義曰燁忽

內反星經凡五星火與水合爲燁用兵舉事大敗與金合爲鏢爲喪不可舉事用兵從軍爲憂離之軍却與土合爲

憂主孽卿與木合飢戰敗也與金合爲鏢爲喪皆不可舉事用

兵大敗土爲憂主孽卿索隱曰文耀鉤云水土合則成鑑治鑑治成則火與火與

則土之子燁金成銷鑠金鑠則土無子無子輔父則益妖孽故子憂也

大饑戰敗為北

軍

正義曰為北軍北也凡軍敗曰北

軍困舉事大敗土與水合攘

而擁閑

正義曰擁於拱反閑為葛反

有覆軍

徐廣曰或云木火土三星若合是謂驚位

行絕其國不可舉事出亡地入得地金為疾為內

兵亡地三星若合其宿地國外內有兵與喪改

立公王四星合兵喪並起君子憂小人流五星

合是謂易行有德受慶改立大人掩有四方子

孫蕃昌無德受殃若亡五星皆大其事亦大皆

小事亦小蚤出者為羸羸者為客晚出者為

縮縮者為主人必有天應見於杓星同舍為合

相凌爲鬪

孟康曰凌相冒占過也韋昭曰突掩爲凌

七寸以內必之矣

索隱曰韋昭云必有禍也

五星色白圜爲喪旱赤圜則中不平

爲兵青圜爲憂水黑圜爲疾多死黃圜則吉赤

角犯我城黃角地之爭白角哭泣之聲青角有

兵憂黑角則水意

徐廣曰一作志

行窮兵之所終五星

同色天下偃兵百姓寧昌春風秋雨冬寒夏暑

動搖常以此填星出百二十日而逆西行西行

百二十日反東行見三百三十日而入入三十

日復出東方太歲在甲寅鎮星在東壁故在營

室察日行以處位太白

索隱曰太白辰出東方曰啓明故察日行以處太白之位

韓詩云太白晨出東方為啓明昏見西方為長庚又孫炎註爾雅亦以為晨出東方高三丈命曰啓明昏見西方高三舍命曰太白。正義曰晉灼云常以正月甲寅與熒惑晨出東方二百四十日而入又出西方二百四十日而入三十五日而復出東方出以寅戌入以丑未天官占云太白者西方金之精白帝之子上公大將軍之象也一名般星一名大正一名熒星一名官星一名梁星一名滅星一名大器一名大衰一名大夾徑一百里天文志云其日庚辛四時秋也五常義也五事言也人主義虧言失逆曰時令傷金氣罰見太白春見東方以晨秋見西方以夕曰西方秋司兵月行及天矢。正義曰太白五芒出早為月蝕晚為天矢及彗其精散為天杵天柶伏靈大敗司姦天狗賊星天殘卒起星是古曆星若竹彗牆星彗星白彗皆以示變也。日庚辛主殺殺失者罰出太白太白失行以其舍命國其出行十八舍二百四十日而入入東方伏行十一舍百三十日其入西方伏行三舍十六

日而出當出不出當入不入是謂失舍不有破

軍必有國君之篡其紀上元正義曰其紀上元是星古曆初起上元之法也

以攝提格之歲與營室晨出東方至角而入與

營室夕出西方至角而入與角晨出入畢與角

夕出入畢與畢晨出入箕與畢夕出入箕與箕

晨出入柳與箕夕出入柳與柳晨出入營室與

柳夕出入營室凡出入東西各五為八歲二百

二十日徐廣曰一云三十一日復與營室晨出東方其大率

歲一周天索隱曰案上元是古曆之名言用上元紀曆法則攝提歲而太白與營室晨出東方至角

而入與營室夕出西方至角而入凡出入東西各五為其八歲二百二十日復與營室晨出東方大率歲一周天也

始出東方行遲率日半度二百二十日必逆行
一二舍上極而反東行行日一度半二百二十
日入其庠近日曰明星柔高遠日曰大囂徐廣曰一作變剛其始出西行疾率日一度半二百二十日上
極而行遲日半度百二十日旦入必逆行一二舍
而入其庠近日曰太白柔高遠日曰大相剛出
以辰戍入以丑未當出不出未當入而入天下
偃兵兵在外入未當出而出當入而不入下起
兵有破國其當期出也其國昌其出東爲東入
東爲北方出西爲西入西爲南方所居久其鄉

利疾

蘇林曰疾過也

其鄉凶出西逆行至東正西國吉

出東至西正東國吉其出不經天經天天下革

政

索隱曰孟康曰謂出東入西出西入東也太白陰星出東當伏東出西當伏西過午為經天又晉灼曰日陽也

日出則星沒太白晝見午上為經天也

小以角動兵起始出大後小

兵弱出小後大兵強出高用兵深吉淺凶庠淺

吉深凶日方南金居其南日方北金居其北曰

贏

正義曰鄭玄云方猶向也謂晝偏半而置土圭表陰陽審其南北也影短於土圭謂之日南是地於日為近南

也長於土圭謂之日北是地於日為近北也凡日影於地千里而差一寸周禮云日南則影短多暑日北則影長多

寒孟康云會謂太白也影日中之影也

侯王不寧用兵進吉退凶日

方南金居其北日方北金居其南曰縮侯王有

憂用兵退吉進凶用兵蒙太白太白行疾疾行
遲遲行角敢戰動搖躁躁國以靜靜順角所指
吉反之皆凶出則出兵入則入兵赤角有戰白
角有喪黑圜角憂有水事青圜小角憂有木
事黃圜和角有土事有年正義曰太白星圓天下
和平若芒角有土事有
年謂豐
熟也其已出三日而復有微入入三日乃復盛
出是謂奕晉灼曰奕退之不進
索隱曰奕音奴亂反其下國有軍敗將
北其已入三日又復微出出三日而復盛入其
下國有憂師有糧食兵革遺人用之正義曰遺
唯季反卒
雖衆將爲人虜其出西失行外國敗其出東失

行中國敗其色大圜黃澤

音澤

可為好事其圜大

赤兵盛不戰太白比狼

正義曰比卑耳反下同比類也

晉書天文志云凡五

星有色大小不同各依其行而應時節色變有類凡青比參左肩赤比心大星黃比參右肩白比狼星黑比奎大星不失本色而應其四時者吉色害其行凶也

赤比心黃比參

正義曰參色林反下同

左肩蒼比參右肩黑比奎大星五星皆從太白

而聚乎一舍其下之國可以兵從天下居實有

得也

正義曰晉書天文志云凡五星所出所直之辰其國為得位者歲星以德熒惑為禮鎮星有福太白

兵強辰陰陽和所直之辰順其色而角者勝其色害者敗居實有得居虛無得也勝位勝色行得盡勝也

居虛

無得也

索隱曰實謂星所合居之宿虛謂贏縮也

行勝色

晉灼曰太白金得度者勝色也

正義曰勝音升剩反下同

色勝位有位勝無位有色勝無色行

得盡勝之

晉灼曰行應天度唯有色得位行盡勝之行重而色位輕星經得字作德

出而

留桑榆間

晉灼曰行遲而下也正出氣言平正出桑榆上者餘二千里

疾其下國

正義曰疾漢書作病也

上而疾未盡其日過參天

晉灼曰三分天過之其一

此在代

疾其對國

孟康曰謂出東入西出西入東

上復下下復上有

反將其入月將僂金木星合光其下戰不合兵

雖起而不鬪合相毀野有破軍出西方昏而出

陰陰兵彊暮食出小弱夜半出中弱雞鳴出大

弱是謂陰陷於陽其在東方乘明而出陽陽兵

之彊雞鳴出小弱夜半出中弱昏出大弱是謂

陽陷於陰太白伏也以出兵兵有殃其出卯南

南勝北方出卯北北勝南方正在卯東國利出
酉北北勝南方出酉南南勝北方正在酉西國
勝其與列星相犯小戰五星大戰其相犯太白
出其南南國敗出其北北國敗行疾武不行文
色白五芒出蚤爲月蝕晚爲天矢及彗星將發
其國出東爲德舉事左之迎之吉出西爲刑舉
事右之皆之吉反之皆凶太白光見景戰勝晝
見而經天是謂爭明彊國弱小國彊女主昌元
爲䟽廟太白廟也太白大臣也其號上公其他
名殷星太正營星觀星宮星明星太衰大澤終

星大相天浩序星月緯大司馬位謹候此察日

辰之會

正義曰晉灼云常以二月春分見奎婁五月夏至見東井八月秋分見角元十一月冬至見牽

牛出以辰戌入以丑未二旬而入晨候之東方夕候之西方也

以治辰星之位

索隱曰即正四

時以治辰星之位是也皇甫謐辰星一名斿星或曰鈞星元命包曰北方辰星水生物布其紀故辰星理四時宋均

曰辰星正四時之法得與北辰同名也

曰北方水太陰之精王冬曰

壬癸刑失者罰出辰星

正義曰天官占云辰星北水之精黑帝之子宰相之祥也

一名細極一名鈞星一名斿星一名伺祠徑一百里亦偏將廷尉象也天文志云其曰壬癸四時冬也五常智也五

事聽也人主智虧聽失逆時令傷水氣則罰見辰星也

以其宿命國是正四時

仲春春分夕出郊奎婁胃東五舍爲齊仲夏夏

至夕出郊東井輿鬼柳東七舍爲楚仲秋秋分

夕出郊角亢氏房東四舍爲漢仲冬冬至晨出

郊東方與尾箕斗牽牛俱西爲中國其出入常

以辰戌丑未其蚤爲月蝕孟康曰辰星月相凌不見者則所蝕也。索隱曰宋

均云星辰與月同精月爲大臣先期而出是晚爲彗星

張晏曰彗所以除舊布新。索隱曰宋均云辰星陰也彗亦陰陰謀未成故晚出也及天矢其時

宜效不效爲失正義曰効見也言宜見不見爲失罰之也追兵在外不

戰一時不出其時不和四時不出天下大飢其

當效而出也色白爲旱黃爲五穀孰赤爲兵黑

爲水出東方大而白有兵於外解常在東方其

赤中國勝其西而赤外國利無兵於外而赤兵

起其與太白俱出東方皆赤而角外國大敗中國勝其與太白俱出西方皆赤而角外國利五星分天之中積于東方中國利積于西方外國用者利五星皆從辰星而聚于一舍其所舍之國可以法致天下辰星不出太白爲客其出太白爲主出而與太白不相從野雖有軍不戰出東方太白出西方若出西方太白出東方爲格野雖有兵不戰

索隱曰謂辰星出西方辰水也太白出東方太白金也水生金母子不相從故上有軍不戰今母子各出一方故失其時而出爲格格謂不同故野雖有兵不戰也

當寒反溫當溫反寒當出不出是謂繫卒兵大

起其入太白中而上出破軍殺將客軍勝下出

客亡地辰星來抵太白太白不去將死正旗上

出正義曰旗星名有九星言辰星上則破軍殺將客勝也破軍殺將客勝索隱曰案

旗蓋太白芒角似旌旗下出客亡地視旗所指以命破軍其

繞環太白若與關大戰客勝免過太白索隱曰案廣雅云辰

星謂之免星則辰星之別名免或作斃也間可城劔蘇林曰城音函函容也其間可容一劔○索隱

曰案蘇所說則城字本有函音故字從咸也○正義曰漢書云辰星過太白間太白可城劔明廣雅是也小戰

客勝免居太白前軍罷出太白左小戰摩太白

有數萬人戰主人吏死出太白右去三尺軍急

約戰青角兵憂黑角水赤行窮兵之所終免七

命曰小正辰星天攬安周星細爽能星鈎星索隱

曰謂免星凡有七名命者名也小正一也辰星二也天免三也安周星四也細爽五也能星六也鈎星七也

其

色黃而小出而易處天下之文變而不善矣免
五色青圜憂白圜喪赤圜中不平黑圜吉赤角
犯我城黃角用地之爭白角號泣之聲其出東方
行四舍四十八日其數二十日而反入于東方
其出西方行四舍四十八日其數二十日而反
入于西方其一候之營室角畢箕柳出房心間
地動辰星之色春青黃夏赤白秋青白而歲熟
冬黃而不明即變其色其時不昌春不見大風

秋則不實夏不見有六十日之旱月蝕秋不見
有兵春則不生冬不見陰雨六十日有流邑夏
則不長角亢氏兗州房心豫州尾箕幽州斗江
湖牽牛婺女楊州虛危青州營室至東壁并
州奎婁胃徐州昂畢箕州觜鰲參益州

正義曰
括地志

云漢武帝置十三州改梁州為益州廣漢廣漢今益州各
縣是也分今河內上黨雲中然按星經益州魏地畢觜參
之分今河內上黨
雲中是未詳也東井輿鬼雍州柳七星張三河

翼軫荆州七星為負官辰星廟繼夷星也兩軍

相當日暈

如淳曰暈
讀曰運

暈等力鈞厚長大有勝薄

短小無勝重抱大破無抱為和背不和為分離

相去直爲自立立侯王指暈若曰殺將負且戴
有喜圍在中中勝在外外勝青外赤中以和相
去赤外青中以惡相去氣暈先至而後去居軍
勝先至先去前利後病後至後去前病後利後
至先去前後皆病居暈不勝見而去其發疾雖
勝無功見半日以上功太白虹屈短

李奇曰屈或爲尾也韋昭曰短

而直

上下亢有者下大流血日暈制勝近期三十

日遠期六十日其食食所不利復生生所利而
食益盡爲主位以其直及日所宿加以日時用
命其國也月行中道安寧和平陰間多永陰事

外北二尺陰星北三尺

索隱曰案中道房室星之中間也房有四星若人之房三

間有四表然故曰房南為陽間北為陰間則中道房星之中間也故房是日月五星之常行道然黃道亦經房星若月行得中道故陰陽和平若行陰間多陰事陽間則人主驕恣若歷陰星陽星之南北太陰太陽之道則有大水若兵及大旱若喪也太陽亦在陽間之南各三尺也

太陰大水兵陽間驕恣陽

星多暴獄太陽大旱喪也

索隱曰太陰太陽皆道也月行近之故有水旱兵喪

也角天門十月為四月十一月為五月

索隱曰謂月行入角

與天門若十月犯之當為來年四月成災十一月則主五月也

十二月為六月水發

近三尺遠五尺犯四輔輔臣誅

索隱曰案謂月犯房星也四輔房四星也

房以輔心故曰四輔也

行南北河以陰陽言

正義曰南河三星北河三星若月行北河

以陰則南河以陽則水旱兵喪也

旱水兵喪月蝕歲星

正義曰孟康云凡星入月

見月中為星蝕月月掩星星滅為月蝕星也

其宿地饑若云熒惑也亂

填星也下犯上太白也彊國以戰敗辰星也女

亂食大角

徐廣曰一云食于大角。正義曰大角一星在兩攝提間人君之象也

主命

者惡之心則為內賊亂也列星其宿地憂

索隱曰謂

月蝕列星二十八宿當其分地有憂憂謂兵及喪也

月食始日五月者六六

月者五五月復六月者一而五月者凡五百

一十二月而復始

索隱曰始日謂蒼始起之日也依此文計唯有一百二十十一月與元

數甚為懸校既無太初曆術不可得而推定今以漢志統曆法計則五月者七六月者一又五月者一六月者五五

月者一凡一百三十五月而復始耳或術家各異或傳寫錯謬故此不同無以明知也

故月蝕常

也日蝕為不臧也甲乙四海之外日月不占

晉灼

曰海外遠甲乙日時不以占候

丙丁江淮海岱也戊己中州河濟

也庚辛華山以西壬癸恒山以北日蝕國君月

蝕將相當之國皇星

正義曰皇星者大而赤類南極老人去地三丈如炬火見則內

外有兵喪之難

大而赤

孟康曰歲星之精散為六十四變記不盡

狀類

南極

徐廣曰老人星也

所出其下起兵兵彊其衝不利

昭明星

索隱曰案春秋合誠圖云赤帝之精象如太白七芒釋名為筆星氣有一枝末銳似筆亦曰日

華星也

大而白無角乍上乍下

孟康曰形如三足机机上有九彗上向災惑之

精所出國起兵多變

五殘星

索隱曰孟康云星表有青氣暈有毛填星之精也。正義曰五殘一名五鋒出正東東方之分

野狀類辰星去地可六七十丈見則五穀毀敗之徵大臣誅亡之象

出正東東方之野

其星狀類辰星去地可六丈大

徐廣曰大一作六

賊星

孟康曰形如彗九尺太白之精。正義曰天賊星者一名六賊出正南南方之野星去地可六丈大

而赤數動有光出則福合天下

出正南南方之野星去地可六丈

大而赤數動有光

司危星

孟康曰星大而有尾兩角熒惑之精也。正義曰司危者出正西西方分野也大如太白去地

可六丈見則以天子不義失國而豪傑起

出正西西方之野星去地可

六丈大而白類太白

獄漢星

孟康曰青中赤表下有二彗縱橫亦填星之精漢書天文志獄漢一名咸漢

出正

北北方之野星去地可六丈大而赤數動察之中青此四野星所出出非其方其下有兵衝不

利四填星所出四隅去地可四丈

地維咸光

正義曰四鎮星出四隅去地可四丈地維咸光星亦出四隅去地可三丈若月始出所

見下有亂者亡有德者昌也

亦出四隅去地可三丈若月始出

所見下有亂亂者亡有德者昌

燭星狀如太白

孟康曰星上有三彗上出亦填星之精

其出也不行見

則滅所燭者城邑亂如星非星如雲非雲命曰

歸邪

李奇曰邪音蛇孟康曰星有兩赤彗上向上有蓋狀如氣下連星

歸邪出必有

歸國者星者金之散氣本曰火

孟康曰星名

星眾國

吉少則凶漢者亦金之散氣

索隱曰案水生金散氣即水氣河圖括地

象曰河精為天漢也

其本曰水漢星多多水少則旱

孟康曰漢河漢

也水生於金多
少謂漢中星

其大經也天鼓有音如雷非雷音

在地而下及地其所往者兵發其下

天狗狀如大奔星

孟康曰星有尾旁有短彗下
有如狗形者亦太白之精

有聲

其下止地類狗所墮及炎火

索隱曰
炎音艷

望之如火

光炎炎衝天其下圜如數頃田處上兌者則有

黃色千里破軍殺將

格澤星者

索隱曰格澤一音鶴鐸
又音格澤格胡亥反

如炎火之狀黃

白起地而上下大上兌其見也不種而獲不有

土功必有大害

蚩尤之旗

孟康曰炎威之精也晉灼曰
呂氏春秋曰其色黃上下白

類彗而後曲

象旗見則王者征伐四方

旬始出於北斗旁

徐廣曰蚩尤也旬一作營

狀如雄雞其怒

青黑象伏鼈

李奇曰怒當音帑晉灼曰帑雌也或曰怒色青

枉矢類大流星蛇行而倉黑望之如有毛羽然

長庚如一匹布著天

正義曰著音直略反

此星見兵起星

墜至地則石也

正義曰春秋云星隕如雨是也今吳郡西鄉見有落星石其石天下多有也

河濟之間時有墜星天精而見景星

孟康曰精明也有赤方氣

與青方氣相連赤方中有兩黃星青方中一黃星凡三星合為景星。索隱曰韋昭云精謂青助漢書作姓亦作暉

郭璞註三蒼云暉雨止無雲也。正義曰景星狀如半月生於晦朔助月為明見則人君有德明聖之慶也

景

星者德星也其狀無常出於有道之國凡望雲

氣

正義曰春秋元命包云陰陽聚爲雲氣也釋名云雲猶云衆盛也氣猶籛然也有聲即無形也

仰而

望之三四百里平望在桑榆上餘二千里登高

而望之下屬地者三千里雲氣有獸居上者勝

正義曰勝音升刺反雲雨氣相敵也兵書云雲雄或如雄雞臨城有城必降

自華以南氣

下黑上赤嵩高三河之郊氣正赤恒山之北氣

下黑上青勃碣海岱之間氣皆黑江淮之間氣

皆白徒氣白土功氣黃車氣乍高乍下往往而

聚騎氣卑而布卒氣搏

如淳曰搏專也或曰搏徒端反

前卑而

後高者疾前方而後高亢而卑者却其氣平者

其行徐前高而後卑者不止而反氣相遇者卑

勝高

索隱曰遇音偶漢書作禺

允勝方氣來卑而循車通者

車通車轍也避漢武諱故曰通

不過三四日去之五六里見氣來

高七八尺者不過五六日去之十餘里見氣來

高丈餘二丈者不過三四十日去之五六十里

見稍雲精白者其將悍其士怯其大根而前絕

遠者當戰青白其前低者戰勝其前赤而仰者

戰不勝陣雲如立垣杼雲類杼軸

索隱曰姚氏案兵書云營上雲

氣如織勿與戰也

雲搏兩端允杓雲如繩者居前巨天

索隱曰劉氏杓音時酌反說文音丁了反許慎註淮南云杓引也

其半半天其蜚者

類闕旗

索隱曰蜚音五結反亦作蜺音同

故鉤雲句曲

正義曰句音古侯反諸

此雲見以五色合占而澤搏密

正義曰崔豹古今注云黃帝與蚩尤

戰於涿鹿之野常有五色雲氣金枝玉葉止於帝上有花

瑞之象故因作華蓋也京房易北候云視四方常有火雲

五色具其下賢人隱也青雲潤蔽日在西北爲舉賢良也其見動人及有占兵必

起合關其直王朔所候決於日旁日旁雲氣人

主象正義曰洛書云有雲象人青衣無孚在日西天子之氣皆如其形以占

故北夷之氣如羣畜穹穹索隱曰鄒氏云一作弓

蓋謂以氈爲閭崇穹然而宋均云穹獸名亦異說也南夷之氣類舟船幡旗

大水處敗軍場破國之虛下有積錢徐廣曰古

金寶之上皆有氣不可不察海旁蜺氣象樓臺

廣野氣成宮闕然雲氣各象其山川人民所聚

積

正義曰淮南子云土地各以類生人是故山氣多男澤氣多暗風氣多聾林氣多雙木氣多偃石氣多力

險阻氣多壽谷氣多痺丘氣多狂廟氣多仁陵氣多貪輕土多利足重土多遲清水音小濁水音大湍水人重中土

多聖人皆象其氣皆應其類也

故候息耗者入國邑視封疆田疇

之正治

如淳曰蔡邕云麻田曰疇

城郭室屋門戶之潤澤次

至車服畜產精華實息者吉虛耗者凶若煙

非煙若雲非雲郁郁紛紛蕭索綸困是謂卿雲

正義曰

卿雲見喜氣也若霧非霧

索隱曰霧音如字一音蒙又亡

卿音慶
溝反爾雅云天氣下地不應曰霧言蒙昧不明也

衣冠而不濡見則其域被

甲而趨天雷電蝦虹辟歷夜明者陽氣之動者也春夏則發秋冬則藏故候者無不司之天開

縣物

孟康曰謂天裂而見物象天開示縣象

地動圻絕

正義曰趙世家幽繆王遷五年代地

動自樂徐以西北至平陰臺屋牆垣大半壞地圻東西百三十步

山崩及徙川塞谿

狀

徐廣曰土雍曰狀音服駢案孟康曰谿谷也狀崩也蘇林曰狀流也

水澹澤竭地長

見象城郭門閭閭臬枯橐宮廟邸第人民所次

謠俗車服觀民飲食五穀草木觀其所屬倉府

廩庫四通之路六畜禽獸所產去就魚鼈鳥鼠

觀其所處鬼哭若呼其人逢悟化言

悟迎也伯莊曰音五故反

索隱曰逢悟謂相逢而驚也悟亦作迂音同化當爲訛字之誤耳

誠然凡候歲美惡

謹候歲始歲始或冬至日產氣始萌臘明日人

衆卒歲一會飲食發陽氣故曰初歲正月旦王

者歲首立春日四時之卒始也

索隱曰謂立春日是去年四時之終卒今

年之始也四始者候之日

正義曰謂正月旦歲之始時之始日之始月之始故云四始言以四

時之日候歲吉凶也

而漢魏鮮

孟康曰人姓名作占候者

集鵬明正月旦

決八風風從南方來大旱西南小旱西方有兵

西北戎菽爲

孟康曰戎菽胡豆也爲成也。索隱曰韋昭云戎菽大豆也又郭璞註爾雅亦云胡

豆與孟康同

小雨

徐廣曰一無此上兩字

趣兵

索隱曰趨音促謂風從西北來則戎菽成而又

有小雨則其國趣兵起也

北方爲中歲東北爲上歲

韋昭曰歲大穰

東方大水東南民有疾疫歲惡故八風各與其衝

對課多者爲勝多勝少久勝亟疾勝徐曰至食

爲麥食至日昃爲稷昃至餽爲黍餽至下餽爲

菽下鋪至日入爲麻欲終日有雨有雲有風有

日

正義曰正月旦欲其終一日有風有日則一歲之中五穀豐熟無災害也

日當其時者深

而多實無雲有風日當其時淺而多實有雲風無日當其時深而少實有日無雲不風當其時者稼有敗如食頃小敗熟五斗米頃大敗則風復起有雲其稼復起各以其時用雲色占種其所宜其雨雪若寒歲惡是日光明聽都邑人民之聲聲宮則歲善吉商則有兵徵旱羽水角歲惡或從正月旦比數雨

索隱曰比音鼻律反數音疎舉反謂以比數日以候一歲

之雨以知豐穰也

率日食一升至七升而極

孟康曰月一日雨民有一升之

食二日雨民有二升過之不占數至十二日日直

其月占水旱孟康曰月一為其環城千里內占則

其為天下候竟正月孟康曰月三十日周天歷二十八宿然後可占天下。正義曰

按月列宿日風雲有變占其國并太歲所在則知其歲豐稔水旱飢饉也月所離列宿索隱曰韋

昭云離歷也日風雲占其國然必察太歲所在在金穰

水毀木饑火旱此其大經也正月上甲風從東

方宜蠶風從西方若旦黃雲惡冬至短極縣土

炭孟康曰先冬至三日縣土炭於衡兩端輕重適均冬至

律曆記候鐘律權土炭冬至陽氣應黃鐘通土炭輕而衡仰

夏至陰氣應蕤賓通土炭重而衡低進退先後五日之中炭動鹿解角蘭根出泉水躍略以知日至決要

曆景歲星所在五穀逢昌其對爲衝歲乃有殃
正義曰言曆景歲星行不失次則無災異五穀逢其昌盛
若曆景歲星行而失舍有所衝則歲乃有殃禍災變也

太史公曰自初生民以來世主曷嘗不曆日月

星辰及至五家

索隱曰案謂五紀歲月日星辰曆數
各有一家頗學習之故曰五家也

三

代

正義曰五家黃帝高陽高辛唐虞堯舜也三代夏殷周
也言生民以來何曾不曆日月星辰及至五帝三王亦

於紹繼而明
天數陰陽也

紹而明之內冠帶外夷狄分中國爲

十有二州仰則觀象於天俯則法類於地天則
有日月地則有陰陽天有五星地有五行天則
有列宿地則有州域三光者陰陽之精氣本在
地而聖人統理之幽厲以往尚矣所見天變皆

國殊窟穴家占物怪以合時應其文圖籍機祥

不法

正義曰機音機顧野王云機祥吉凶之先見也按自古以來所見天變國皆異具所說不同及家占

物怪用合時應者書其文并圖籍凶吉並不可法則故孔子論六經記異事而說其所應不書變見之蹤也

是

以孔子論六經紀異而說不書至天道命不傳

傳其人不待告

正義曰待須也言天道性命忽有志事可傳授之則傳其大指微妙自在天性

不須深告語也

告非其人雖言不著

正義曰著作慮反著明也言天道性命告非其

人雖為言說不得著明微妙曉其意也

昔之傳天數者高辛之前重

黎

正義曰左傳云蔡墨曰少昊氏之子曰黎為火正號祝融即火行之官知天數

於唐虞義和

正義曰義氏和氏掌天地四時之官也

有夏昆吾

正義曰昆吾陸終之子虞翻云昆吾名楚為已

姓封昆吾世本云昆吾衛者也

殷商巫咸

正義曰巫咸殷賢臣也本吳人家在蘇州常熟海隅山上

子賢亦在此也

周室史佚萇弘

正義曰史佚周武王時太史尹佚也萇弘周靈王時大夫也

於宋子章鄭則裨竈

正義曰裨竈鄭大夫也

在齊甘公

徐廣

曰或曰甘公名德也本是曾人。正義曰七錄云楚人戰國時作天文星占八卷

楚唐昧

正義曰莫

葛趙尹臯魏石申

正義曰七錄云石申魏人戰國時作天文八卷也

夫天運

三十歲一小變百年中變五百載大變三大變

一紀三紀而大備此其大數也為國者必貴三

五

索隱曰三五謂三十歲一小變五百歲一大變

上下各千歲然後天人之

際續備太史公推古天變未有可考于今者蓋

略以春秋二百四十二年之間

正義曰謂從隱公元年至哀公十四年獲麟也

隱公十一年桓公十八年莊公三十二年閔公二年僖公三十三年文公十八年宣公十八年成公十八年襄

公三十一年昭公三十二年定公十五年哀公十四年凡二百四十二年也

日蝕三十六義

曰謂隱公三年二月乙巳桓公三年七月壬辰朔十七年十月朔莊公十八年三月朔二十五年六月辛未朔二十六年十二月癸亥朔三十年九月庚午朔僖公五年九月戊申朔十二年三月庚午朔十五年五月朔文公元年二月癸亥朔十五年六月辛卯朔宣公八年七月庚子朔十年四月丙辰朔十七年六月癸卯朔成公十六年六月丙辰朔十七年七月丁巳朔襄公十四年二月乙未朔十五年八月丁巳朔二十年十月丙辰朔二十一年九月庚戌朔十月庚辰朔二十三年二月癸酉朔二十四年七月甲子朔八月癸巳朔二十七年十二月乙亥朔昭公七年四月甲辰朔十五年六月丁巳朔十七年六月甲戌朔二十一年七月壬午朔二十二年十二月癸酉朔二十四年五月乙未朔三十年十二月辛亥朔定公五年三月辛亥朔十二年十一月丙寅朔十五年八月庚辰朔凡三十六也

彗生二見

正義曰謂文公十四年七月有星入于北斗昭公十七年冬有星孛于大辰哀公十三年

有星孛于東方

宋襄公時星隕如雨

正義曰謂僖公十五年正月戊申朔隕石于宋

五天子微諸侯力政

徐廣曰一作征

五伯代興

正義曰趙岐注孟子云齊

桓晉文秦穆宋襄楚莊也

更為主命自是之後眾暴寡大并

小秦楚吳越夷狄也為彊伯

正義曰秦祖非子初邑於秦地在西戎楚

子鬻熊始封丹陽荆蠻吳太伯居吳周章因封吳號勾吳越祖少康之子初封於越以守禹祀地稱東越皆戎夷之

地故言夷狄也後秦穆楚莊吳闔閭越勾踐皆得封為伯也

田氏篡齊

正義曰周安王二十三年

康公卒田和并齊而立為齊侯

三家分晉

正義曰周安王二十六年魏武侯韓文侯趙敬侯共滅晉

靜而三分其地

並為戰國爭於攻取兵革更起城邑數

屠因以飢饉疾疫焦苦臣主共憂患其察機祥

侯星氣尤急近世十二諸侯七國相王

正義曰王于放反謂

漢孝景帝三年吳王濞楚王戊趙王遂濟南王辟光淄川王賢膠東王雄渠也

言從衡者繼

踵而臯唐甘石因時務論其書傳故其占驗凌

雜米鹽

正義曰凌雜交亂也米鹽細碎也言臯唐甘石等因時務論其書傳中灾異所記錄者故其占

驗交亂細碎其語在漢書五行志中也

二十八舍主十二州

正義曰二十八舍謂東方

角亢氐房心尾箕北方斗牛女虛危室壁西方奎婁胃昂畢觜參南方井鬼柳星張翼軫星經云角亢鄭之分野兗州氐房心宋之分野豫州尾箕燕之分野幽州南斗牽牛吳越之分野揚州須女虛齊之分野青州危室壁衛之分野并州奎婁曾之分野徐州胃昂趙之分野冀州畢觜參魏之分野益州東井輿鬼秦之分野雍州柳星張周之分野三河翼軫楚之分野荊州也

斗秉兼之

正義曰言北斗所建秉十二辰兼十二州二十八宿自古

所用從來久遠矣

所從來久矣秦之疆也候在太白占

於狼弧

正義曰太白狼弧皆西方之星故秦占候也

吳楚之疆候在熒

惑占於鳥衡

正義曰熒惑鳥衡皆南方之星故吳楚之占候也鳥衡柳星也一本作注張也

燕齊之疆候在辰星占於虛危

正義曰辰星虛危皆北方之星故燕

齊占宋鄭之疆候在歲星占於房心

正義曰歲星房心皆東方

之星故宋鄭占候也

晉之疆亦候在辰星占於參罰

正義曰辰星參

罰比日北方西方之星故晉占候也

及秦并吞三晉燕代自河山以

南者中國

正義曰河黃河也山華山也從華山及黃河以南為中國也

中國於四

海內則在東南為陽

正義曰爾雅云九夷八狄七戎六蠻謂之四海之內中國從河

山東南為陽也

陽則日歲星熒惑填星

正義曰日人質反填音鎮日陽也歲

星屬東方熒惑屬南方填星屬中央皆在南及東為陽也

占於街南畢主之

正義曰天街二

星主畢昴主國界也街南為華夏之國街北為夷狄之國則畢星主陽

其西北則狐貉

月氏諸衣旃裘引弓之民為陰

正義曰洛音陌氏音支從河山西北

及秦晉陰則月太白辰星正義曰月陰也太白屬西方辰星屬北方皆在北及

西為陰也占於街北昴王之正義曰天街星北為夷狄之國則昴星主之陰也故

中國山川東北流其維首在隴蜀正義曰言中國山及川東北流

行若南山首在崑崙葱嶺東北行連隴山至南山華山渡河東北盡竭石山黃河首起崑崙山渭水岷江發源出隴

山皆東北東尾没于勃碣是以秦晉好用兵韋昭曰秦入渤海也

晉西南維之北為陰猶與胡復占太白太白主中國

正義曰主猶領也入也星經云太白在北月在南中國而敗太白在南月在北中國不敗也是狐貉數侵掠之也

胡貉數侵掠獨占辰星辰星出入躁疾常主夷

狄其大經也此更為客主人正義曰更格行反下同星經云辰星不出太白

為客辰星出太白為主人辰星太白不相從雖有軍不戰辰星出東方太白出西方若辰星出西方太白出東方為

格野雖有兵不戰合宿乃戰辰星入太白中五日及熒惑入而上出破軍殺將客勝不出客亡地視旗所指

爲勃外則理兵內則理政故曰雖有明天子必

視熒惑所在

索隱曰此案春秋緯文耀鉤故云故曰也

諸侯更彊時畱

異記無可錄者

秦始皇之時十五年彗星四見久者八十日長

或竟天其後秦遂以兵滅六王并中國外攘四

夷死人如亂麻因以張楚並起三十年之間

正義

曰謂從秦始皇十六年起兵滅韓至漢高祖五年滅項羽則三十六年矣

兵相駘藉

蘇林曰駘音臺

登躡也

不可勝數自蚩尤以來未嘗若斯也項羽

救鉅鹿枉矢西流山東遂合從諸侯西坑秦人

誅屠咸陽漢之興五星聚于東井平城之圍

索隱

曰漢高祖之七年

月暈參畢七重

索隱曰天文志其占者畢昴間天街也街北胡也街

南中國也昴為匈奴參為趙畢為邊兵是歲高祖自將兵擊匈奴至平城為冒頓所圍七日乃解則天象有若符契

七重者主七日也

諸呂作亂日蝕晝晦吳楚七國叛逆

彗星數丈天狗過梁野及兵起遂伏尸流血其

下元光元狩蚩尤之旗再見長則半天其後京

師師四出

正義曰元光元年太中大夫衛青等伐匈奴元狩二年冠軍侯霍去病等擊胡元鼎五年

衛尉路博德等破南越及韓說破東越并破西南夷開十餘郡元年樓船將軍楊僕擊朝鮮也誅夷狄

者數十年而伐胡尤甚越之亡熒惑守斗

正義曰南

斗為吳越之分野

朝鮮之拔星莠于河

索隱曰莠音佩即字星也天文志武帝元

封之中星李于河戌其占曰南戌爲越門北戌爲胡門其
後漢兵擊拔朝鮮以爲樂浪玄菟郡朝鮮在海中越之象
居北方胡之域也其河戌即南河北河也戒兵征大宛星弗招搖正義曰招搖一
星次北斗杓端主胡兵此其榮榮大者索隱曰榮音力卓反榮榮
也占角變則兵革大行事之分若至委曲小變不可勝道由是觀之未有
明也
不先形見而應隨之者也夫自漢之爲天數者
星則唐都氣則王朔占歲則魏鮮故甘石曆五
星法唯獨熒惑有反逆行逆行所守及他星逆
行日月薄蝕孟康曰日月無光曰薄京房易傳曰日赤黃爲薄或曰不交而蝕曰薄韋昭曰氣往
迫之爲薄虧毀爲蝕皆以爲占余觀史記考行事百年之
中五星無出而不反逆行反逆行嘗盛大而變

色日月薄蝕行南北有時此其大度也故紫宮

正義曰中宮也

房心

正義曰東宮也

權衡

正義曰南宮也

咸池虛危

正義曰北宮也

列宿部星

正義曰五官列宿部內之星也

此天之五官坐位也為經不

移徙大小有差闊狹有常

孟康曰闊狹若三台星相去遠近

水火

金木填星

徐廣曰木火土三星若合是謂驚位絕行

此五星者天之五佐

正義曰言水火金木土五星佐天行德也

為經緯見伏有時

正義曰五星行南北為經東西

為緯也

所過行贏縮有度日變脩德月變省刑星

變結和凡天變過度乃占國君彊大有德者昌

弱小飾詐者亡大上脩德其次脩政其次脩救

次脩穰正下無之夫常星之變希見而三光之占

亟用日月暈適

徐廣曰適者災變咎徵也李斐曰適見災于天劉向以爲日月蝕及星逆行非

太平之常自周衰以來人事亂故天文應之遂變耳駟雲案孟康曰暈日旁氣也適日之將食先有黑氣之變

風此天之客氣其發見亦有大運然其與政事

俯仰最近大人之符此五者天之感動爲天數

者必通三五

索隱曰三謂三辰五謂五星也

終始古今深觀時變

察其精粗則天官備矣

蒼帝行德天門爲之開

索隱曰謂王者行春令布德澤被天下則上應靈威

仰之帝而天門爲之開以發德化也天門即左右角閒也○正義曰爲於僞反下同蒼帝東方靈威仰之帝也春萬

物開發東作起則天發其德化天門爲之開也

赤帝行德天牢爲之空

索隱曰謂王者行德以應火精之帝謂舉大禮封諸侯之

地則是赤帝行德夏陽主舒散故天牢爲之空則人主當赦過宥罪者也。正義曰赤帝南方赤熒怒之帝也夏萬物茂盛功作大興則天施德惠天牢爲之空虛也天牢六星在北斗魁下不對中台主秉禁暴亦貴人之牢也

黃帝行德天天爲之起

正義曰黃帝中央含樞紐之帝季夏萬物盛大則當大赦

含養羣品也

風從西北來必以庚辛一秋中五至大

赦三至小赦

白帝行德以正月二十日二十一日月暈圍常

大赦載謂有太陽也一曰白帝行德

索隱曰一曰謂占星

之家異說太史公兼記之耳

畢昴爲之圍

正義曰白帝西方白招矩之帝也秋萬物咸成

則暈圍畢昴三暮帝德乃成也

圍三暮德乃成不三暮及圍不合

德不成二曰以辰圍不出其旬

黑帝行德天關爲之動

正義曰黑帝北方叶光紀之帝也冬萬物閉藏爲之

動爲之開閉也天一星在五車南畢西北爲天門日月五星所道主邊事亦爲限隔內外障絕往來禁道之作違者占芒角有兵起五星守之主貴人多死也

天行德天子更立年

索隱曰案天謂北極紫微宮言王者當天心則北辰有光輝是

行德也若北辰有光耀則天子更立年也

不德風雨破石三能三衡者天

廷也

索隱曰上云南宮朱鳥權衡衡太微三光之廷則三衡者即太微也其謂之三者日月五星也然斗星第

六第五亦名衡又衆三星亦名衡然並不爲天廷○正義曰晉書天文志云三台主開德宣符也所以和陰陽而理

萬物也三衡者北斗魁四星爲璇璣杓三星爲玉衡人君之象號令主也又太微天子宮庭也太微爲衡衡主平也

爲天庭理法平辭理也按言三台三衡言若有客星出三台三衡

之廷必有奇異教令也

客星出天廷有奇令

索隱述贊曰在天成象有同影響觀文察變
其來自往天官既書太史攸掌雲物必記星
辰可仰盈縮匪憊應驗無爽至哉玄監云誰
欲網

天官書第五

史記二十七

[General Information]

□□=□□□□□□□□ □□ 11 □

□□=(□□)□□□□

□□=129

□□□=□□□□□

□□□□=1936

SS□=12459890

DX□=000007544491

url=http://book2.duxiu.com/search
?&channel=search&tag=&sw=%B0%D9%
F1%C4%B1%BE%B6%FE%CA%AE%CB%C4%CA%
B7++%CA%B7%BC%C7++11++%CA%E9&year
=§year=&seb=0&pid=0&showc=0&f
enleilD=&Pages=1&searchtype=1